

摘藻堂四庫全書薈要

史部

欽定四庫全書薈要

史部

資治通鑑卷二百

七十一

詳校官編修臣汪鏞



欽定四庫全書薈要卷七千一百五十六

史部

資治通鑑卷一百七十

宋司馬光撰

胡三省音註

陳紀四

起疆圉大淵獻盡重光單閼凡五年

臨海王

諱伯宗字奉業小字藥王文帝嫡長子也

光大元年春正月癸酉朔日有食之尚書左僕射袁

樞卒

卒子恤翻

乙亥大赦改元

改元光大

辛卯帝祀南郊

壬辰齊上皇還鄴

去年八月如晉陽今還

己亥周主耕藉田

藉又

尺翻

二月壬寅朔齊主加元服大赦初高祖為梁相

高祖殺王僧辨立梁敬帝遂相之因以受禪相息亮翻下同

用劉師知為中書舍人

師知涉學工文練習儀體

儀體謂朝儀國體

歷世祖朝雖位官

不遷而委任甚重

朝直遙翻下同

與揚州刺史安成王顓尚書

僕射到仲舉同受遺詔輔政師知仲舉恒居禁中參決

衆事

恒戶登翻

顓與左右三百人入居尚書省師知見顓地

望權勢為朝野所屬心忌之

屬之欲翻

與尚書左丞王暹等

謀出顓於外

暹思廉翻

衆猶豫未敢先發東宮通事舍人殷

不佞素以名節自任

按蕭子顯齊志東宮職僚未有通事舍人五代志梁東宮官有通事

守舍人典法守舍人典法守舍人陳因之

又受委東宮

言在東宮為上所親委

乃馳詣

相府

是時尚書省為相府

矯敕謂項曰今四方無事王可還東府

經理州務

州務謂楊州事務

項將出中記室毛喜

五代志梁制蕃王國及庶

姓有持節府有中錄事中記室

馳入見項曰陳有天下日淺國禍繼臻

謂八年之間國連有大喪

中外危懼太后深惟至計

惟思也

令王入省

共康庶績今日之言必非太后之意宗社之重願王三

思

三息暫翻又如字

須更聞奏無使奸人得肆其謀今出外即

受制於人譬如曹爽願作富家翁其可得邪

曹爽事見四十五卷

魏邵陵厲公

項遣喜與領軍將軍吳明徹籌之明徹曰

嘉平元年

嗣君諒闇

闇音陰

萬機多闕殿下親實周召當輔安社稷

願留中勿疑項乃稱疾召劉師知留之與語使毛喜先

入言於太后太后曰今伯宗幼弱政事並委二郎

文帝居長

項居次故稱爲二郎

此非我意喜又言於帝帝曰此自師知等所

爲朕不知也喜出以報項項因囚師知自入見太后及

帝

見賢通翻

極陳師知之罪仍自草敕請畫

請畫可也

以師知付

廷尉其夜於獄中賜歿以到仲舉為金紫光祿大夫王

暹殷不佞並付治

付治付有司治罪也或作付治付東治使徒作也以下文不害免官言之

治字為是

暹息廉翻不佞不害之弟也少有孝行

不佞少居父喪以至孝稱江陵

之陷不佞母歿于亂兵不佞在吳道路隔絕久不得奔赴四年之中晝夜號泣居處飲食常為居喪之禮後其兄不齊迎母喪歸葬不佞居處之節如始聞問若此者又三年身自負土手植松柏每歲時伏臘必三日不食

少詩照翻

行下孟翻項雅重之故獨得不免官而已王暹伏誅

自是國政盡歸於項

劉師知之事大類楊愔

右衛將軍會稽韓子

高鎮領軍府在建康諸將中士馬最盛

會工外翻將即亮翻

與仲

舉通謀事未發毛喜請簡士馬配子高并賜鐵炭使修

器甲項驚曰子高謀反方欲收執何為更如是邪

邪音耶

喜曰山陵始畢邊寇尚多而子高受委前朝名為杖順

若收之恐不即授首或能為人患宜推心安誘

朝直遙翻誘音

酉使不自疑伺間圖之一壯士之力耳項深然之

間古覓翻

考異曰陳書文沈后傳云安成王既專沈太后憂悶計無所出乃密賂宦者蔣裕令誘建安人張安國使據郡反冀因此以圖高宗安國事覺並為高宗所誅時后左右近侍頗知其事后恐連逮黨與並殺之按后欲圖高宗而令安國據建安反理不相涉且后若實有此謀高宗既立后豈得自全今刪去仲舉既廢

歸私第心不自安子郁尚世祖妹信義長公主

信義郡名五代

志吳郡常熟縣梁置信義郡長知兩翻

除南康內史未之官子高亦自危

求出為衡廣諸鎮郁每乘小輿蒙婦人衣與子高謀會

前上虞令陸昉及子高軍主告其謀反

昉分罔翻

項在尚書

省因召文武在位議立皇太子平旦仲舉子高入省皆

執之

到仲舉既廢歸私第非在位者蓋項召其會議因而執之

并郁送廷尉下詔於

獄賜死

考異曰陳書子高傳死在光大元年八月按華皎傳子高誅後皎始謀叛帝紀此年五月皎

已謀反又慈訓太后令先言劉師知子高誅後乃及余孝頃始興王伯茂傳師知等誅後伯茂乃進號中衛然

則子高傳誤也餘黨一無所問 辛亥南豫州刺史余孝頃坐

謀反誅 癸丑以東揚州刺史始興王伯茂為中衛大

將軍開府儀同三司

梁置四中將軍軍衛撫護止施於內

伯茂帝之母弟

也劉師知韓子高之謀伯茂皆預之司徒頊恐扇動內

外故以為中衛專使之居禁中與帝遊處

處昌呂翻

三月

甲午以尚書右僕射沈欽為侍中左僕射

史言沈欽官兼兩省

夏四月癸丑齊遣散騎常侍司馬幼之來聘

散悉亶翻騎奇寄翻

湘州刺史華皎

華戶化翻

聞韓子高歿內不自安

皎與劉師知韓

子高皆為文帝所親任
二人既死故皎不自安

繕甲聚徒撫循所部啓求廣州

以下朝廷之意司徒頊偽許之而詔書未出皎遣使潛

引周兵又自歸於梁以其子玄響為質

使疏吏翻質音致

五月

癸巳頊以丹楊尹吳明徹為湘州刺史甲午齊以東

平王儼為尚書令司徒頊遣吳明徹帥舟師三萬趣

郢州

帥讀曰率下同趣七喻反下同

丙申遣征南大將軍淳于量帥舟

師五萬繼之又遣冠武將軍楊文通從安成步道出茶

陵

梁置冠武將軍與折衝同班五代志廬陵郡安復縣舊置安成郡茶陵縣屬長沙郡吳分屬湘東郡隋

并入衡山郡湘潭縣九域志茶陵縣屬衡州在州東三百五十五里

巴山太守黃法慧從

宜陽出醴陵

宜陽即豫章郡宜春縣也晉孝武帝更名宜陽避太后諱也隋復曰宜春縣帶袁州

後漢立醴陵縣屬長沙郡九域志在郡東一百六十里自宜春至醴陵二百二十里守式又翻

共襲華

皎并與江州刺史章昭達郢州刺史程靈洗合謀進討

六月壬寅以司空徐度為車騎將軍總督建康諸軍步

道趣湘州

辛亥周主尊其母叱奴氏為皇太后

按魏收官

氏志拓跋興於代北兼并他部以本部中別族為內姓其他諸部隨方分之北方有叱奴氏

已未

齊封皇弟仁機為西河王仁約為樂浪王

樂音洛下同浪音琅仁

儉為潁川王仁雅為安樂王仁直為丹陽王

考異曰北齊書帝紀

名統今從列傳統謂仁直

仁謙為東海王

皆郡王也五代志安樂郡密雲縣舊置安樂郡

華皎使者至長安梁王亦上書言狀且乞師

華戶化翻使疏吏翻

上時掌翻

周人議出師應之司會崔猷曰前歲東征死傷過

半

謂攻齊洛陽也事見上卷文帝天嘉五年會古外翻

比雖循撫瘡痍未復今陳

氏保境息民共敦鄰好

比毗至翻好呼到翻

豈可利其土地納其

叛臣違盟約之信興無名之師乎晉公護不從閏六月

戊寅遣襄州摠管衛公直督柱國陸通大將軍田弘權

景宣元定等將兵助之

將即亮翻又音如字領也

辛巳齊左丞相

咸陽武王斛律金卒年八十長子光為大將軍

相息亮翻卒子

恤翻長知兩翻

次子羨及孫武都並開府儀同三司出鎮方岳

斛律羨鎮幽州武都鎮梁究二州

其餘子孫封侯顯貴者甚衆門中一

皇后二太子妃

金子光長女孝昭納為太子妃次女武成納為太子妃後主受內禪立為皇后

三公主

按後祖珽言光男尚公主蓋光子武都世雄恒伽皆尚主也

事齊貴寵三世

無比自肅宗以來禮敬尤重每朝見常聽乘步挽車至

階

朝直遙翻見賢遍翻步挽車不用牛馬令人步挽之

或以羊車迎之然金不以

為喜嘗謂光曰我雖不讀書聞古來外戚鮮有能保其

族者

鮮息
淺翻

女若有寵為諸貴所嫉無寵為天子所憎我

家直以勛勞致富貴何必藉女寵也

史言解律
金有識

壬午

齊以東平王儼錄尚書事以左僕射趙彥深為尚書令

并省尚書左僕射婁定遠為左僕射

自并省入為
鄴省左僕射

中書

監徐之才為右僕射定遠昭之子也

昭婁后
之弟

秋七月

戊申立皇子至澤為太子八月齊以任城王潛為太

師

任音壬潛音
皆又戶皆翻

馮翊王潤為大司馬段韶為左丞相賀

拔仁為右丞相侯莫陳相為太宰婁叡為太傅斛律光
為太保韓祖念為大將軍趙郡王叡為太尉東平王儼
為司徒儼有寵於上皇及胡后皆兼京畿大都督領軍
大將軍領御史中丞魏朝故事中丞出與皇太子分路
分路而行不引車
避道朝直遙翻 王公皆遙駐車去牛頓輒於地以待

其過

去羌呂翻
輒於草翻

其或遲違

不即駐車頓輒
是遲遲為違法

則前驅以赤

棒棒之

棒部
項翻

自遷鄴以後此儀廢絕上皇欲尊寵儼命

一遵舊制儼初從北宮出將上中丞

將上時掌翻今人
謂領職視事為禮

上凡京畿步騎領軍官屬中丞威儀司徒鹵簿莫不畢

從

騎奇寄翻
從才用翻

上皇與胡后張幕於華林園東門外而觀

之遣中使驟馬趣仗

趣儼前導儀仗也使
疏吏翻趣七喻翻

不得入自言

奉敕赤棒卒應聲碎其鞍馬驚人墜上皇大笑以為善

更敕駐車勞問良久

勞問儼也
勞力到翻

觀者傾鄴城儼恒在宮

中坐含光殿視事

恒戶登
翻下同

諸父皆拜之上皇或時如并

州

晉陽宮
在并州

儼恒居守

恒戶登翻
守式又翻每送行或半路或至晉

陽乃還

還從宣翻
又音如字

器玩服飾皆與齊主同所須悉官給

嘗於南宮見新冰早李

齊主時居鄴之南宮儼從上皇胡后居北宮

還怒曰

尊兄已有我何意無

儼常謂齊主為尊兄

自是齊主或先得新奇

屬官及工人必獲臯儼性剛決嘗言於上皇曰尊兄懦

何能帥左右上皇每稱其才有廢立意胡后亦勸之既

而中止

儼與齊主既定君臣之分而常以兄弟相呼又有奪嫡之意史歷言之為儼怙寵致禍張本帥

讀曰

華皎遣使誘章昭達昭達執送建康又誘程靈

洗靈洗斬之

華戶化翻使疏吏翻誘音酉下並同

皎以武州居其心腹

五代

志武陵郡梁置武州

遣使誘都督陸子隆子隆不從遣兵攻之不

克巴州刺史戴僧朔等並隸於皎

文帝命皎都督湘巴等四州五代志巴陵

郡梁置巴州

長沙太守曹慶等本隸皎下遂為之用

湘州與長沙郡

同治所以州統郡故曰本隸皎下守手又翻

司徒項恐上流守宰皆附之乃

曲赦湘巴二州九月乙巳悉誅皎家屬梁以皎為司空

遣其柱國王操將兵二萬助之周權景宣將水軍元定

將陸軍衛公直摠之與皎俱下

將即亮翻又音如字領也

淳于量軍

夏口直軍魯山使元定以步騎數千圍郢州

騎奇寄翻考異曰

陳帝紀云步騎二萬蓋夸誕之辭今從周帝紀

皎軍于白螺

水經江水過長沙下雋縣北湘水從

南來注之江水又東過彭城口又東過如山北又東過白螺山南螺盧戈翻雋辭充翻

與吳明徹

等相持徐度楊文通由嶺路襲湘州

嶺路即前所出安成宜陽步道也

盡獲其所留軍士家屬皎自巴陵與周梁水軍順流乘

風而下軍勢甚盛戰于沌口

沌柱充翻

量明徹募軍中小艦

多賞金銀令先出當西軍大艦受其拍西軍諸艦發拍

皆盡然後量等以大艦拍之西軍艦皆碎沒于中流

戰船

置拍竿發之以拍敵船艦戶黯翻

西軍又以艦載薪因風縱火俄而風

轉自焚西軍大敗皎與戴僧朔單舸走

舸古我翻

過巴陵不

敢發岸

發恐當作登

逕奔江陵衛公直亦奔江陵元定孤軍

進退無路斫竹開徑且戰且引欲趣巴陵

趣七喻翻

巴陵已

為徐度等所據度等遣使偽與結盟許縱之還國定信

之解仗就度度執之盡俘其衆

考異曰陳書云獲萬餘人馬四千匹亦恐夸

誕今不取并擒梁大將軍李廣定憤恚而卒

恚於避翻

敗黨

曹慶等四十餘人並伏誅唯以岳陽太守章昭裕昭達

之弟桂陽太守曹宣高祖舊臣衡陽內史汝陰任忠嘗

有密啓皆宥之吳明徹乘勝攻梁河東拔之

守式又翻五代志巴

陵郡湘陰縣梁置岳陽郡桂陽郡郴縣梁置桂陽郡長沙郡衡山縣舊置衡陽郡陳以衡陽為王國故置內史南郡松滋縣舊置周衛公直歸罪於梁柱國殷亮梁主河東郡任音壬

知非其罪然不敢違遂誅之周與陳既交惡周沔州刺

史裴寬白襄州總管請益戍兵并遷城於羊蹄山以避

水五代志沔陽郡甌山縣梁置梁安郡西魏改曰魏安郡置江州廢帝三年改曰沔州甌山有陽臺山在漢

川之南三十五里土俗訛為羊蹄山總管兵未至程靈洗舟師奄至城下

會大雨水暴漲靈洗引大艦臨城發拍擊樓堞皆碎堞徒

協翻矢石晝夜攻之三十餘日陳人登城寬猶帥衆執短

兵拒戰

帥讀曰率

又二日乃擒之 丁巳齊上皇如晉陽山

東水饑

按李百藥書山東大水人饑

僵尸滿道

僵居良翻

冬十月甲申

帝享太廟

十一月戊戌朔日有食之

丙午齊大赦

癸丑周許穆公宇文貴自突厥還卒于張掖

宇文貴與陳公

純等如突厥逆女突厥留之貴以疾先得還厥九勿翻還從宣翻又音如字卒子恤翻掖音亦

齊上

皇還鄴

十二月周晉公護母卒

卒子恤翻

詔起令視事

令

丁翻齊祕書監祖珽與黃門侍郎劉逖友善珽欲求宰

相乃疏趙彥深元文遥和士開罪狀令逖奏之逖不敢

通彥深等聞之先詣上皇自陳上皇大怒執珽詰之

珽它

昂翻詰
去吉翻

珽因陳士開文遙彥深等朋黨弄權賣官鬻獄

事上皇曰爾乃誹謗我珽曰臣不敢誹謗陛下取人女

上皇曰我以其饑饉收養之耳珽曰何不開倉振給乃

買入後宮乎上皇益怒以刀環築其口鞭杖亂下將撲

殺之

撲弼
角翻

珽呼曰陛下勿殺臣臣為陛下合金丹

呼火
故翻

為于偽翻
合音閣

遂得少寬

少詩
治翻

珽曰陛下有一范增不能用

漢高帝
之言

上皇又怒曰爾自比范增以我為項羽邪

邪音
耶

珽曰項羽布衣帥烏合之衆五年而成霸業

帥讀日率

陛下

藉父兄之資纔得至此臣以為項羽未易可輕上皇愈

怒令以土塞其口

易以啟翻塞悉則翻

珽且吐且言乃鞭二百配

甲坊尋徙光州

五代志東萊郡舊置光州

敕令牢掌別駕張奉福曰

牢者地牢也乃置地牢中桎梏不離身

離力智翻

夜以蕪菁

子為燭眼為所熏由是失明

本州曰蕪菁主明目今珽由是失明蓋其子餌之則

明目以之為燭則烟熏眼而失明衍義曰蕪菁今世俗謂之蔓菁夏則枯蔬圃復種之謂之鷄毛菜正在春時採擷之餘叔子為油審是則菜油也東南之人多以之照夜未嘗熏眼失明

齊七兵尚書

畢義雲

杜佑曰魏始置五兵尚書謂中兵外兵別兵都兵騎兵也晉分中外各為左右雖與舊為七曹

唯有五兵尚書無七兵尚書之名至後魏始有七兵尚書今諸家著述或謂晉太康中置七兵尚書誤矣為

治酷忍非人理所及

治直吏翻

於家尤甚夜為盜所殺遺其

刀驗之其子善昭所佩刀也有司執善昭誅之

史書此以垂戒

然以情觀之善昭果弑其父必不遺刀以待驗蓋盜為此計以殺其子

二年春正月己亥安成王頊進位太傅領司徒加殊禮

辛丑周主祀南郊

癸亥齊主使兼散騎常侍鄭大

護來聘

湘東忠肅公徐度卒

卒子恤翻

二月丁卯周主

如武功 突厥木杆可汗貳於周

厥九勿翻杆公旦翻可從刊入聲汗音寒

更許齊人以昏留陳公純等數年不返

純等逆女見上卷文帝天嘉六

年

會大雷風壞其穹廬

壞音怪

旬日不止木杆懼以為天

譴即備禮送其女于周純等奉之以歸三月癸卯至長

安周主行親迎之禮

迎魚敬翻古者天子娶于諸侯使同姓諸侯為之主桓八年祭公來

遂逆王后于紀杜預注云祭公來受命於魯是也周主行親迎與突厥為敵國之禮

甲辰周大赦

乙巳齊以東平王儼為大將軍南陽王綽為司徒開

府儀同三司徐顯秀為司空廣寧王孝珩為尚書令

珩音

行

戊午周燕文公于謹卒

燕因肩翻
卒子恤翻

謹勲高位重而

事上益恭每朝參所從不過二三騎朝廷有大事多與

謹謀之

朝直遙翻
騎奇寄翻

謹盡忠補益於功臣中特被親信禮

遇隆重始終無間

被皮義翻
間古覓翻

教訓諸子務存靜退而子

孫蕃衍

蕃音煩

率皆顯達

吳明徹乘勝進攻江陵

乘沅口之

勝也引水灌之梁主出頓紀南以避之

劉昭曰江陵縣北
十餘里有紀南城

周摠管田弘從梁主副摠管高琳與梁僕射王操守江

陵三城晝夜拒戰十旬梁將馬武吉徹擊明徹敗之

將則

亮翻敗
補邁翻

明徹還保安梁主乃得還 夏四月辛巳周

以達奚武為太傅尉遲迴為太保齊公憲為大司馬

齊上皇如晉陽 齊尚書左僕射徐之才善醫上皇有

疾之才療之既愈中書監和士開欲得次遷乃出之才

為兗州刺史

為齊主疾作追之才不及張本
五代志魯郡舊兗州治瑕丘

五月癸卯

以尚書右僕射胡長仁為左僕射士開為右僕射長仁

太上皇后之兄也 庚戌周主享太廟庚申如醴泉宮

醴泉宮即漢甘泉宮之舊地在漢馮翊池陽
縣西後魏於此置寧夷縣隋改曰醴泉縣

壬戌齊

上皇還鄴

還從宣翻
又音如字

秋七月壬寅周隨桓公楊忠卒

卒子
恤翻

子堅龍衣爵堅為開府儀同三司小宮伯

周禮宮伯
屬天官中

士二人下士二人鄭玄注云伯長也掌王宮宿衛之官及其政令行其秩叙作其徒役之事後周置左右宮伯掌侍衛之禁各更直於內小宮伯貳之

晉公護欲引以為腹心堅以白忠

忠曰兩姑之間難為婦汝其勿往堅乃辭之

史以楊忠
有識因書

其卒而書之楊
堅始見于此

丙午帝享太廟

戊午周主還長安

壬戌封皇弟伯智為永陽王伯謀為桂陽王 八月

齊請和於周周遣軍司馬陸程聘于齊九月丙申齊使

侍中斛斯文略報之 冬十月癸亥周主享太廟 庚

午帝享太廟 辛巳齊以廣寧王孝珩錄尚書事左僕

射胡長仁為尚書令右僕射和士開為左僕射中書監

唐邕為右僕射 十一月壬辰朔日有食之 齊遣兼

散騎常侍李諧來聘

散悉直翻 騎奇寄翻

甲辰周主如岐陽

五代

志太原郡雍縣有岐陽宮

周遣開府儀同三司崔彥等聘于齊

始興王伯茂以安成王顓專政意甚不平屢肆惡言

吁項

王翻甲寅以太皇太后令誣帝云與劉師知華皎等通謀

言以者明太皇太后令
項為之也華戶化翻

且曰文皇知子之鑒事等帝堯

傳弟之懷又符太伯今可還申曩志崇立賢君遂廢帝

為臨海王以安成王入纂又下令黜伯茂為溫麻侯

溫麻

縣侯也沈約曰晉武帝以溫麻船屯
立縣屬晉安郡晉安隋改為建安

寘諸別館安成王

使盜邀之於道殺之車中齊上皇疾作驛追徐之才

未至辛未疾亟以後事屬和士開

屬之欲翻

握其手曰勿負

我也遂殂於士開之手

殂祚乎翻
年三十二

明日之才至復遣還

州

還兗州也
復扶又翻

士開祕喪三日不發黃門侍郎馮子琮問

其故士開曰神武文襄之喪皆秘不發

神武卒見一百六十卷梁武帝

太清元年文襄卒見一百六十二卷太清三年

今至尊年少

少詩照翻

恐王公有貳

心者意欲盡追集於涼風堂然後與公議之士開素忌

太尉錄尚書事趙郡王叡及領軍婁定遠子琮恐其矯

遺詔出獻於外奪定遠禁兵乃說之曰

說式芮翻

大行先已

傳位於今上羣臣富貴者皆至尊父子之恩但令在內

貴臣一無改易王公必無異志

丁令力翻

世異事殊豈得與

霸朝相比

高歡高澄未即篡魏握魏之政北齊君臣皆謂之霸朝朝直遙翻下同

且公不

出宮門已數日升遐之事

鄭玄曰升上也遐已也上已者若仙去云耳

行路

皆傳久而不舉

謂不舉哀成服也

恐有佗變士開乃發喪丙子

大赦戊寅尊太上皇后為皇太后侍中尚書左僕射元

文遙以馮子琮胡太后之妹夫恐其贊太后干預朝政

朝直遙翻

與趙郡王叡和士開謀出子琮為鄭州刺史世祖

驕奢淫佚役繁賦重吏民苦之

史言亡齊者武成

甲申詔所在

百工細作悉罷之鄴下晉陽中山官人官口之老病者

悉簡放

齊有鄴宮晉陽宮中山宮官口罪人家口没官為奴婢者

諸家緣坐在流所

者聽還

緣坐謂罪非正犯緣親戚而坐罪者

周梁州恒稜獠叛

據趙文表傳恒

稜地名所在險固方數百里羣獠居之文表既平獠遂置為蓬州恒戶登翻獠魯皓翻下同

摠管長

史南鄭趙文表討之

趙文表為梁州摠管府長史長知兩翻

諸將欲四面

進攻

將即亮翻

文表曰四面攻之獠無生路必盡死以拒我

未易可克今吾示以威恩為惡者誅之從善者撫之善

惡既分破之易矣

易以政翻

遂以此意遍令軍中時有從軍

熟獠多與恒稜親識即以實報之

境上內附者謂之熟獠

恒稜猶

豫未決文表軍已至其境獠中先有二路一平一險有

獠帥數人來見

帥所類翻

請為鄉導

鄉讀曰嚮

文表曰此路寬平

不須為導卿但先行慰諭子弟使來降也

降戶江翻下同

乃遣

之文表謂諸將曰獠帥謂吾從寬路而進必設伏以邀

我當更出其不意乃引兵自險路入乘高而望果有伏

兵獠既失計爭帥衆來降

降戶江翻

文表皆慰撫之仍徵其

租稅無敢違者周人以文表為蓬州長史

蓬州本漢宕渠之地李勢

時為獠所據蕭齊立歸化郡梁置安固縣及伏虞郡後周置蓬州因蓬山而以為名也

高宗宣皇帝上之上

諱頊字紹世小字師利始興王道譚第二子也

大建元年春正月辛卯朔周主以齊世祖之喪罷朝會

朝直遙翻

遣司會李綸弔賻

賻音附公羊傳曰貨財曰賻會古外翻

且會葬

甲午安成王即皇帝位改元大赦復太皇太后為皇太

后皇太后為文皇后立妃柳氏為皇后世子叔寶為太

子封皇子叔陵為始興王奉昭烈王祀

文帝以子伯茂奉始興昭烈王

祀帝既殺伯茂以叔陵奉祀

乙未上謁太廟丁酉以尚書僕射沈欽

為左僕射度支尚書王勣為右僕射勣份之孫也

度徒洛翻

勣音邁份府巾翻份與之弟肅之叔父也

辛丑上祀南郊

壬寅封皇子

叔英為豫章王叔堅為長沙王 戊午上享太廟 齊

博陵文簡王濟世祖之母弟也為定州刺史語人曰次

敘當至我矣 言以兄弟之次亦當為天子也語牛倭翻 齊主聞之陰使人就

州殺之葬贈如禮 二月乙亥上耕籍田 籍秦昔翻 甲申

齊葬武成帝于永平陵廟號世祖 乙丑齊徙東平王

儼為琅邪王 邪音耶 齊遣侍中叱列長叉聘于周 姓纂叱列

復姓出於拓跋氏西部 齊以司空徐顯秀為太尉并省尚書令

婁定遠為司空初侍中尚書右僕射和士開為世祖所

親狎出入臥內無復期度

復扶又翻

遂得幸於胡后及世祖

殂齊主以士開受顧託深委任之威權益盛與婁定遠

及錄尚書事趙彥深侍中尚書左僕射元文遙開府儀

同三司唐邕領軍綦連猛高阿那肱

李延壽曰綦連其先姬姓六國末避

亂出塞保祁連山因以山為姓北人語訛故曰綦連魏收官氏志綦連氏出於西方諸部

度支尚書

胡長粲俱用事時號八貴

樂音洛

太尉趙郡王叡大司馬

馮翊王潤安德王延宗與婁定遠元文遙皆言於齊主

請出士開為外任會胡太后觴朝貴於前殿

朝直遙翻

叡面

陳士開臯失云士開先帝弄臣城狐社鼠受納貨賂穢

亂宮掖

掖音亦

臣等義無杜口冒死陳之太后曰先帝在

時王等何不言今日欲欺孤寡邪

邪音耶

且飲酒勿多言

獻等辭色愈厲儀同三司安吐根曰臣本商胡

安吐根本安息

胡人天平初柔然主使至晉陽吐根密啟柔然情狀高歡因為之備柔然入掠無獲而返其後歡與柔然和親結成婚媾皆吐根為行人

得在諸貴行末

行戶剛翻

既受厚

恩豈敢惜死不出士開朝野不定太后曰異日論之王

等且散獻等或投冠於地或拂衣而起明日獻等復詣

雲龍門

復扶又翻

令文遙入奏之三返太后不聽左丞相段

韶使胡長粲傳太后言曰梓宮在殯事太忽忽欲王等

更思之獻等遂皆拜謝長粲復命太后曰成妹母子家

者兄之力也

長粲胡太后之兄故云然

厚賜獻等罷之太后及齊主

召問士開對曰先帝於羣臣之中待臣最厚陛下諒闇

始爾

闇音陰

大臣皆有覬覦

覦音冀音俞

今若出臣正是翦陛

下羽翼宜謂獻云文遙與臣俱受先帝任用豈可一去

一留並可用為州且出納如舊

尚書出納帝命令且如舊領職

待過山

陵然後遣之。獻等謂臣真出心必喜之。

喜許記翻

帝及太后

然之。告獻等如其言。乃以士開為兗州刺史。文遙為西

兗州刺史。

西兗州時治滑臺

葬畢。獻等促士開就路。太后欲留

士開過百日。

古者葬日虞既三虞用剛日卒哭後人百日而卒哭至今猶然

獻不許數

日之內。太后數以為言。

后數所角翻

有中人知太后密旨者

謂獻曰。太后意既如此。殿下何宜苦違。獻曰。吾受委不

輕。今嗣主幼冲。豈可使邪臣在側不守之以死。何面戴

天。遂更見太后苦言之。太后令酌酒賜獻。獻正色曰。今

論國家大事非為卮酒

為于偽翻

言訖遽出土開載美女珠

簾詣婁定遠謝曰諸貴欲殺士開蒙王力

武成帝封婁定遠臨淮郡

王故稱之

特全其命用為方伯今當奉別謹上二女子一珠

簾

上時掌翻

定遠喜謂士開曰欲還入不

不讀曰否

士開曰在內

久不自安今得出實遂本志不願更入但乞王保護長

為大州刺史足矣定遠信之送至門士開曰今當遠出

願得一辭覲二宮定遠許之士開由是得見太后及帝

進說曰

見賢遍翻說式芮翻

先帝一旦登遐臣愧不能自歿觀朝

貴意執欲以陛下為乾明

乾明齊濟南王年號也事見一百六十八卷文帝天嘉元

年臣出之後必有大變臣何面目見先帝於地下因慟

哭帝太后皆泣問計安出士開曰臣已得入復何所慮

正須數行詔書耳

復扶又翻下將復后復復以同行戶剛翻

於是詔出定遠

為青州刺史責趙郡王叡以不臣之罪旦日叡將復入

諫妻子咸止之叡曰社稷事重吾寧少事先皇不忍見

朝廷顛沛至殿門又有人謂曰殿下勿入恐有變叡曰

吾上不負天歟亦無恨入見太后

見賢遍翻

太后復以為言

獻執之彌固出至永巷遇兵執送華林園雀離佛院

氏釋

西域記龜茲國北四十里山上有寺名曰雀離大清真故倣以建佛院

令劉桃枝拉殺之

拉盧合翻 考異曰北齊帝紀天統三年六月以并省尚書左僕射婁定遠為尚書左僕射五年二月殺趙郡王獻三月以并省尚書令婁定遠為司空蓋定遠既為僕射復為并省尚書令也按和士開傳先出定遠然後殺獻獻死必在定遠作司空後帝紀誤也但不知果在何時耳又士開傳云出為青州定遠傳云尋除瀛州蓋先出為青州後乃除瀛州也 獻久典朝政 文宣帝時濟南以太子監國立大都督府與尚書省分理衆事以獻攝大都督府長史至武成之世拜尚書令又進攝錄尚書事又進太尉朝直遙翻下同 清

正自守朝野冤惜之復以士開為侍中尚書左僕射定

遠歸士開所遺

遺于季翻

加以餘珍賂之

三月齊主如晉

陽夏四月甲子以并州尚書省為大基聖寺晉祠為大

崇皇寺

魏叔志太原郡晉陽縣有晉祠

乙丑齊主還鄴

齊主年少多

嬖寵

少詩沼翻

武衛將軍高阿那肱素以諂佞為世祖及和

士開所厚世祖多令在東宮侍齊主由是有寵累遷并

省尚書令封淮陰王世祖簡都督二十人使侍衛東宮

齊左右衛府領左右府其御仗屬官各有正副都督

昌黎韓長鸞預焉齊主獨親

愛長鸞長鸞名鳳以字行累遷侍中領軍摠知內省機

密宮婢陸令萱者其夫漢陽駱超坐謀叛誅令萱配掖

庭子提婆亦沒為奴齊主之在襁褓令萱保養之令萱

巧黠善取媚

黠戶八翻

有寵於胡太后宮掖之中獨擅威福

封為郡君和士開高阿那肱皆為之養子齊主以令萱

為女侍中

後魏孝文改定內官左右昭儀三夫人九嬪世婦御女之外又置內職典內司視尚書令

僕作司大監女侍中三官視二品監

令萱引提婆入侍齊主朝夕戲狎累

遷至開府儀同三司武衛大將軍宮人穆舍利者斛律

后之從婢也

從于用翻

有寵於齊主令萱欲附之乃為之養

母薦為弘德夫人

河清新令弘德崇德正德三夫人位比三公

因令提婆冒姓

穆氏然和士開用事最久諸幸臣皆依附之以固其寵

齊主思祖珽

齊主受內禪祖珽啓其謀故思之

就流囚中除海州刺史

祖珽去年徙光州五代志東海郡梁置南北二青州東魏改為海州

珽乃遺陸媼弟儀同

三司悉達書曰趙彥深心腹深沈欲行伊霍事

遺于季翻媼烏

老翻陸媼即謂令萱沈持林翻

儀同姊弟豈得平安何不早用智士邪

和士開亦以珽有膽略欲引為謀主乃弃舊怨虚心待

之與陸媼言於帝曰襄宣昭三帝之子皆不得立

謂文襄文

宣孝昭之子也

今至尊獨在帝位者祖孝徵之力也

祖珽字孝徵事見上

卷文帝天

人有功不可不報孝徵心行雖薄

行下

孟翻奇略

嘉元年

出入緩急可使且其人已盲必無反心請呼取問以籌

策齊主從之召入為祕書監加開府儀同三司士開諧

尚書令隴東主胡長仁驕恣出為齊州刺史長仁怨憤

謀遣刺客殺士開事覺士開與珽謀之珽引漢文帝誅

薄昭故事

薄昭事見十四卷漢文帝十年胡長仁帝舅也故引此事以誅之

遂遣使就

州賜死

吏使疏翻

五月庚戌周主如醴泉宮

丁巳以吏

部尚書徐陵為左僕射

秋七月辛卯皇太子納妃沈

氏

考異曰陳書南史沈后傳皆云大建三年拜太子妃誤也今從帝紀

吏部尚書君理

之女也

辛亥周主還長安

八月庚辰盜殺周孔城

防主以其地入齊

魏收志漢晉河南新城縣後魏置新城郡治孔城其地在隋河南郡伊闕

縣界

九月辛卯周遣齊公憲與柱國李穆將兵趣宜陽

杜佑

曰宜陽郡今福昌縣

築崇德等五城

趣七喻翻

歐陽紇在廣州十餘

年

武帝永定二年紇與父顏定廣州至是凡十二年紇下沒翻

威惠著於百越自華

皎之叛帝心疑之

華戶化翻

徵為左衛將軍紇恐懼其下多

勸之反遂舉兵攻衡州刺史錢道戢

此始興之衡州五代志南海郡始興

縣梁置安遠郡及東衡州

帝遣中書侍郎徐儉持節諭旨紇初見儉

盛仗衛言辭不恭儉曰呂嘉之事誠當已遠

呂嘉事見二十卷漢

武帝元鼎五年六年

將軍獨不見周廸陳寶應乎

周廸陳寶應皆以叛換敗死事

並見文帝紀

轉禍為福未為晚也紇默然不應置儉於孤園

寺累旬不得還紇嘗出見儉儉謂之曰將軍業已舉事

儉須還報天子儉之性命雖在將軍將軍成敗不在於

儉幸不見留紇乃遣儉還儉陵之子也

徐陵時貴顯於陳朝

冬十

月辛未詔車騎將軍章昭達討紇 壬午上享太廟

十一月辛亥周鄆文公長孫儉卒

鄆茲陵翻長知兩翻卒子恤翻

辛

丑齊以斛律光為太傅馮翊王潤為太保琅邪王儼為大司馬十二月庚午以蘭陵王長恭為尚書令庚辰以中書監魏收為左僕射 周齊公憲等圍齊安陽絕其

糧道 自華皎之亂與周人絕至是周遣御正大夫杜

杲來聘請復修舊好

杜杲屢聘于陳故使來修舊好復扶又翻好呼到翻

上許之

遣使如周

使疏吏翻

二年春正月乙酉朔齊改元武平 齊東安王婁叡卒

東安郡王五代志琅邪郡沂水縣舊置東安郡也

丙午上享太廟 戊申齊

使兼散騎常侍裴讞之來聘

散悉亶翻騎奇寄翻讞魚寒翻又魚列翻

齊

太傅斛律光將步騎三萬救宜陽屢破周軍築統關豐

化二城而還

還從宣翻又如字

周軍追之光縱擊又破之獲其

開府儀同三司宇文英梁景興

周軍雖屢敗而攻宜陽不輟

二月己

巳齊以斛律光為右丞相并州刺史又以任城王湣為

太師賀拔仁錄尚書事

任音壬湣音皆又古皆翻

歐陽紇召陽春

太守馮僕至南海

五代志高涼郡陽春縣梁置陽春郡廣州治南海郡守式又翻

誘與

同反僕遣使告其母洗夫人夫人曰我為忠貞經今兩

世

僕及父融為兩世誘音酉使疏吏翻洗息典翻

不能惜汝負國遂發兵拒境

帥諸酋長迎章昭達

帥讀曰率酋慈秋翻長知兩翻

昭達倍道兼行至

始興紇聞昭達奄至恒擾不知所為出頓涯口

水經涯水出桂

陽縣盧聚東南過含涯縣南出涯浦關右合湊水謂之涯口涯去王翻

多聚沙石盛以竹籠

盛時

置于水柵之外用遏舟艦昭達居上流裝艦造拍

艦戶黥

令軍人銜刀潛行水中以斫籠筏皆解

筏莫結翻

因

縱大艦隨流突之紇衆大敗生禽紇送之癸未斬於建

康市紇之反也士人流寓在嶺南者皆惶駭前著作佐

郎蕭引獨恬然曰管幼安袁曜卿亦但安坐耳

管寧字幼安依

公孫度度安其賢魏文帝初卒還鄉里袁渙字曜卿為呂布所拘而不為布所脅布敗歸魏武

君子直

已以行義何憂懼乎紇平上徵為金部侍郎

唐六典曰漢置尚書

郎四人其一人主財帛委輸蓋金部郎曹之任也歷魏晉宋齊後魏北齊並有金部郎中梁陳隋為侍郎煬帝

但曰引允之弟也

蕭允見一百六十二卷梁武帝太清三年史言蕭允兄弟處大難而不懼

馮僕以其母功封信都侯遷石龍太守

五代志石龍縣屬高涼郡蓋梁

陳置郡也
今為化州

遣使持節冊命洗氏為石龍太夫人賜繡幘

油絡駟馬安車一乘

幘許偃翻安車加繡
幘油絡也乘繩證翻

給鼓吹一部

并麾幢旌節

吹尺瑞翻
幢傳江翻

其鹵簿一如刺史之儀

三月

丙申皇太后章氏殂

戊戌齊安定武王賀拔仁卒

丁未大赦

夏四月甲寅周以柱國宇文盛為大宗伯

周主如醴泉宮

辛酉齊以開府儀同三司徐之才

為尚書左僕射

戊寅葬武宣皇后於萬安陵

章太后
謚武宣

閏月戊申上謁太廟

五月壬午齊遣使來弔

使䟽
吏翻

六月乙酉齊以廣寧王孝珩為司空

珩音行

甲辰齊

穆夫人生子恒

恒戶登翻

齊主時未有男為之大赦

為于偽翻下請

為為之同

陸令萱欲以恒為太子恐斛律后恨怒乃白齊主

使斛律后母養之

己丑齊以開府儀同三司唐邕為

尚書右僕射

秋七月齊立肅宗子彥基為城陽王彥

忠為梁郡王甲寅以尚書令蘭陵王長恭為錄尚書事

中領軍和士開為尚書令賜爵淮陽王士開威權日盛

朝士不知廉耻者或為之假子與富商大賈同在伯仲

之列

朝直遙翻
賈音古

嘗有一人士參士開疾

參者候
問其疾

值鑿云

王傷寒極重應服黃龍湯

陶宏景曰今近城寺別塞空
罌口內糞倉中久年得汁甚

黑而苦名為黃龍湯
治溫病垂死者皆差

士開有難色人士曰此物甚易服

易以
豉翻

王不須疑請為王先嘗之一舉而盡士開感其意

為之強服

強其
兩翻

遂得愈

乙卯周主還長安

癸酉齊

以華山王凝為太傅

華山郡王五代志京兆郡鄭
縣後魏置華山郡華戶化翻

司

空章昭達攻梁

章昭達破歐陽紇
而還遂引兵攻梁

梁主與周摠管陸騰

拒之周人於峽口南岸築安蜀城

峽口西陵峽口也杜
佑曰安蜀城在夷陵

郡界橫引大索於江上編葦為橋以度軍糧昭達命軍士

為長戟施於樓船上仰割其索索斷糧絕

索昔洛翻

因縱兵

攻安蜀城下之梁主告急于周襄州總管衛公直直遣

大將軍李遷哲將兵救之遷哲以其所部守江陵外城

自帥騎兵出南門使步出北門

將即亮翻帥讀曰率步下有兵字文意較明

首尾邀擊陳兵陳兵多歿夜陳兵竊於城西以梯登城

登者已數百人遷哲與陸騰力戰拒之乃退昭達又決

龍川寧朔隄

水經注紀南城西南有赤坂岡岡下有瀆水東北流入城又東北出城西南注于龍

陂陂在靈溪東江堤內水至淵深有龍見於其中故曰龍陂寧朔周書陸騰傳作寧邦

引水灌江

陵騰出戰於西隄昭達兵不利乃引還

還從宣翻又如字

八

月辛卯齊主如晉陽 九月乙巳齊立皇子恒為太子

冬十月辛巳朔日有食之 齊以廣寧王孝珩為司

徒上洛王思宗為司空

上洛古郡名

復以梁永嘉王莊為開

府儀同三司梁王

復扶又翻

許以興復竟不果及齊亡莊憤

邑卒于鄴

史終言之卒子恤翻

乙酉上享太廟 己丑齊復威

宗謚曰文宣皇帝廟號顯祖

齊改文宣謚號見上卷文帝天嘉六年謚神至翻

丁酉周鄭桓公達奚武卒

謚法辟土服遠曰桓卒子恤翻

十二月

丁亥齊主還鄆

周大將軍鄭恪將兵平越雋置西寧

州

西寧州後改曰雋州雋音髓

周齊爭宜陽久而不決勲州刺史

韋孝寬謂其下曰

周置勲州於玉壁

宜陽一城之地不足損益

兩國爭之勞師彌年彼豈無智謀之士若弃嶠東

宜陽在三

嶠之東

來圖汾北我必失地今宜速於華谷及長秋築城

以杜其意

水經涑水出河內聞喜縣黍葭谷注云涑水所出俗謂之華谷又曰汾水過臨汾縣東又

屈從縣南西流又西過長修縣南又西與華水合水出于北山華谷此所謂長秋即漢長修縣故墟也俗語訛

以修為
長秋耳

脫其先我

先音悉
薦翻

圖之實難乃畫地形具陳其

狀晉公護謂使者曰韋公子孫雖多數不滿百汾北築

城遣誰守之事遂不行齊斛律光果出晉州道於汾北

築華谷龍門二城

五代志絳郡稷山
縣有後魏龍門郡

光至汾東與孝寬

相見光曰宜陽一城久勞爭戰今已舍彼

舍讀
曰捨

欲於汾

北取償幸勿怪也孝寬曰宜陽彼之要衝汾北我之所

弃我棄彼取其償安在君輔翼幼主位望隆重不撫循

百姓而極武窮兵苟貪尋常之地塗炭疲弊之民竊為

君不取也

為于偽翻

光進圍定陽築南汾城以逼之

魏收志後魏延

興四年置定陽縣及定陽郡五代志文城郡吉昌縣後魏置定陽縣及定陽郡文城郡東魏置南汾州後周改

曰汾州吉昌縣後唐避李國昌諱又改為吉鄉縣九域志屬汾州宋白曰慈州吉鄉縣本漢北屈縣後魏孝文

帝置定陽郡及定陽縣時會有河西定陽胡人渡河居此因以為名周人釋宜陽之圍以

救汾北晉公護問計於齊公憲憲曰兄宜暫出同州以

為聲執憲請以精兵居前隨機攻取護從之

汾扶云翻

三年春正月乙丑以尚書右僕射徐陵為左僕射丁

巳齊使兼散騎常侍劉環雋來聘

散悉亶翻騎奇寄翻

辛酉上

祀南郊辛未祀北郊 齊斛律光築十三城於西境

汾北

之地於馬上以鞭指畫而成拓地五百里而未嘗伐功

鄴為西

又與周韋孝寬戰於汾北破之齊公憲督諸將東拒齊

師

將即亮翻

二月辛巳上祀明堂丁酉耕藉田

籍秦昔翻

壬

寅齊以蘭陵王長恭為太尉趙彥深為司空和士開錄

尚書事徐之才為尚書令唐邕為左僕射吏部尚書馮

子琮為右僕射仍攝選

仍攝吏部選選須網翻下典選同

子琮素諂附士

開至是自以太后親屬且典選頗擅引用人不復啓稟

由是與士開有隙

為子琮勸琅邪王儼殺士開張本復扶又翻

三月丁丑

大赦 周齊公憲自龍門度河

此自夏陽度汾陰也考異曰北齊書段韶傳

云二月周師來寇周書帝紀云三月憲度河今從之

斛律光退保華谷憲攻拔其

新築五城齊太宰段韶蘭陵王長恭將兵禦周師攻柏

谷城拔之而還

此齊遣段韶等出伊洛以牽制汾北也將即亮翻下同

夏四月

戊寅朔日有食之

壬午齊以琅邪王儼為太保

邪音耶

壬辰齊遣使來聘

使疏吏翻

周陳公純取齊宜陽等九

城

考異曰北齊斛律光傳云周柱國統于廣略圍宜陽今從周帝紀

齊斛律光將步騎

五萬赴之

騎奇寄翻

五月癸亥周使納言鄭詡來聘

唐六典後

周天官府置御伯中大夫二人天子出入則侍于左右武帝改御伯為納言蓋侍中之職也

周晉

公護使中外府參軍郭榮城於姚襄城南定陽城西

姚襄

城者襄為桓溫所敗奔平陽所築後人因以為名杜佑曰今汾州吉昌縣西則姚襄所築城西臨黃河控帶龍門之險春秋時晉之北屈也郭榮之下有築字文意乃明齊段韶引兵襲周師破之

六月韶圍定陽城

考異曰韶傳七月屠其外城周書北齊帝紀皆云六月陷汾州今從之

周汾州刺史楊敷固守不下

周汾州治定陽城隋改為吉昌縣汾州唐改為慈州

韶急攻之屠其外城時韶臥病謂蘭陵王長恭曰此城

三面重澗

重直龍翻

皆無走路唯慮東南一道耳賊必從此

出宜簡精兵專守之此必成禽長恭乃令壯士千餘人

伏於東南澗口城中糧盡齊公憲摠兵救之憚韶不敢

進數帥見兵突圍夜走

帥讀曰率見賢遍翻

伏兵擊擒之盡俘其

衆

考異曰周書齊王憲傳屢破齊師北齊書斛律光段韶傳屢破周師要之周失汾州齊師勝耳

乙

已齊取周汾州及姚襄城唯郭榮所築城獨存數愔之

族子也

楊愔以死殉齊而數為周死於城郭各盡忠於其所事也愔於今翻

數子素少多

才藝

少詩沼翻

有大志不拘小節以其父守節陷齊未蒙贈

謚上表申理周主不許至於再三帝大怒命左右斬之

素大言曰臣事無道天子死其分也

分扶問翻

帝壯其言贈

數大將軍謚曰忠壯

謚法武而不遂曰壯

以素為儀同三司漸見

禮遇帝命素為詔書下筆立成詞義兼美帝曰勉之勿

憂不富貴素曰但恐富貴來逼臣臣無心圖富貴也

齊斛律光與周師戰於宜陽城下取周建安等四戍捕

虜千餘人而還軍未至鄴齊主敕使散兵光以軍士多

有功者未得慰勞乃密通表請遣使宣旨

宣慰勞之旨也勞力到翻

使疏吏翻
下待使同

軍仍且進齊朝發使遲留

朝直達
翻下同

軍還將至

紫陌光乃駐營待使帝聞光軍已逼心甚惡之

惡烏
路翻

亟

令舍人召光入見然後宣勞散兵

史言齊主已有疑斛
律光之心見賢遍翻

勞力
到翻

齊琅邪王儼以和士開穆提婆等專橫奢縱意

甚不平

橫戶
孟翻

二人相謂曰琅邪王眼光奕奕數步射人

向者暫對不覺汗出吾輩見天子奏事尚不然由是忌

之乃出儼居北宮

北宮在鄴
之北城

五日一朝不得無時見太

后

見賢
遍翻

儼之除太保也餘官悉解猶帶中丞及京畿士

開等以北城有武庫欲移儼於外然後奪其兵權

京畿大都

督撫京畿兵

治書侍御史王子宜

治直之翻

與儼所親開府儀同

三司高舍洛中常侍劉辟彊說儼曰殿下被疏正由士

開間搆

說式芮翻被皮義翻疏與疎同間古覓翻

何可出北宮入民間也儼

謂侍中馮子琮曰士開罪重兒欲殺之何如

馮子琮胡太后之妹

夫故儼自稱曰兒

子琮心欲廢帝而立儼因勸成之儼令子宜

表彈士開罪請禁推

請收禁而推鞠之彈徒丹翻

子琮雜佗文書奏

之帝王不審省而可之

王字衍據北齊書琅邪王儼傳云後主不審省而可之通鑑就

舊史刪潤以成一家言本云帝不審省而可之書吏繕寫因舊史之文遂衍主字抗本作齊主省悉并翻

誑領軍庫狄伏連曰奉敕令領軍收士開

魏收官氏志次南諸姓有

庫狄氏誑居况翻

伏連以告子琮且請覆奏子琮曰琅邪受勅

何必更奏伏連信之發京畿軍士伏於神虎門外

神虎門即

神武門南北國四史成於唐臣之手避唐諱凡虎字悉改為武此獨存舊

并戒門者不聽士

開入秋七月庚午旦士開依常早參

依常日早入禁中朝參

伏連

前執士開手曰今有一大好事王子宜授以一函云有

敕令王向臺因遣軍士護送儼遣都督馮永洛就臺斬

之儼本意唯殺士開其黨因逼儼曰事既然不可中止

儼遂帥京畿軍士三千餘人屯千秋門

帥讀曰率

帝使劉桃

枝將禁兵八十人召儼

將即亮翻

桃枝遙拜儼令反縛將斬

之禁兵散走帝又使馮子琮召儼儼辭曰士開咎來實

合萬死謀廢至尊剃家家髮為尼

剃他計翻

臣為是矯詔誅

之尊兄若欲殺臣不敢逃罪若赦臣願遣姊姊來迎臣

即入見

齊諸王皆呼嫡母為家家乳母為姊姊婦為妹妹為于偽翻見賢遍翻

姊姊謂臣

令萱也儼欲誘出殺之

誘羊久翻

令萱執刀在帝後聞之戰

栗帝又使韓長鸞召儼儼將入劉辟彊牽衣諫曰若不

斬穆提婆母子殿下無由得入廣寧王孝珩安德王延

宗自西來

珩音行

曰何不入辟彊曰兵少

少詩治翻下謂少同

延宗

顧衆而言曰孝昭帝殺楊遵彥

殺楊愔事見百六十八卷文帝天嘉元年

止

八十人今有數千何謂少帝泣啓太后曰有緣復見家

家

復扶又翻

無緣永別乃急召斛律光儼亦召之光聞儼殺

士開撫掌大笑曰龍子所為固自不似凡人

以儼帝子故謂之龍

子入見帝於永巷

見賢遍翻

帝帥宿衛者步騎四百授甲將

出戰

帥讀曰率

光曰小兒輩弄兵與交手即亂鄙諺云奴見

大家心死

大家謂主也臣妾呼天子為大家亦此義

至尊宜自至千秋門琅

邪必不敢動帝從之光步道

道讀曰導言步而前導也

使人走出曰

大家來儼徒駭散帝駐馬橋上遥呼之儼猶立不進光

就謂曰天子弟殺一夫何所苦執其手強引以前

強其兩翻

請於帝曰琅邪王年少腸肥腦滿輕為舉措稍長自不

復然

邪音耶少詩治翻長謂年長音展兩翻

願寬其罪帝拔儼所帶刀鏐

亂築辮頭

辮頭示將斬之也

良久乃釋之收庫狄伏連高舍洛

王子宜劉辟彊都督翟顯貴

翟長伯翻
又音狄

於後園支解暴

之都街帝欲盡殺儼府文武職吏光曰此皆勲貴子弟

誅之恐人心不安趙彥深亦曰春秋責帥

春秋左氏傳
韓獻子謂中

行桓子曰子為元帥師不用命誰之罪也帥所類翻

於是罪之各有差太后責問

儼儼曰馮子琮教兒太后怒遣使就內省以弓絃絞殺

子琮

使疏吏翻

使內參以庫車載尸歸其家

內參宦者也庫車載庫物者也

自是太后常置儼於宮中每食必自嘗之

慮鴆毒也

八月

己亥齊主如晉陽

九月辛亥齊以任城王湝為太宰

任音壬潛音皆又戶皆翻

馮翊王潤為太師

已未齊平原忠武王

段韶卒韶有謀略得將士死力

卒子恤翻將即亮翻

出摠軍旅入

參幃幄功高望重而雅性溫慎得宰相體事後母孝閨

門雍肅齊勲貴之家無能及者

齊祖珽說陸令萱出

趙彥深為兗州刺史齊主以珽為侍中陸令萱說帝曰

人稱琅邪王聰明雄勇當今無敵觀其相表

邪音耶說式芮翻相

息亮翻

殆非人臣自專殺以來常懷恐懼宜早為之計幸

臣何洪珍等亦請殺之帝未決以食舉密迎珽問之

食舉

載梁肉以輸太官者也

珽稱周公誅管叔

周公使管叔監殷管叔以殷叛周公誅之

季

友酖慶父

左傳魯莊公有疾問後於叔牙對曰慶父村問於季友季友曰臣以死奉般乃使鍼季酖

叔牙而立般慶父使人弑般季友立閔公慶父又使人弑之季友以僖公適邾慶父奔莒季友乃入立僖公以賂求慶父于莒莒人歸之及密使公子奚斯請弗許哭而往慶父聞之曰奚斯之聲也乃縊慶父叔牙季友皆桓公之子兄弟也然而以酖死者叔牙也夫漢儒固有以經義斷獄者若祖珽者舞經義以成其獄者也不可

不察帝乃攜儼之晉陽使右衛大將軍趙元侃誘儼執之

誘音酉

元侃曰臣昔事先帝見先帝愛王今寧就死不忍

行此帝出元侃為豫州刺史庚午帝啓太后曰明日欲

與仁威早出獵

儼字仁威

夜四鼓帝召儼儼疑之陸令萱曰

兄呼兒何為不去儼出至永巷劉桃枝反接其手儼呼

曰乞見家家尊兄桃枝以袖塞其口

呼火故翻塞悉則翻

反袍蒙

頭負出至大明宮鼻血滿面拉殺之

拉盧合翻

時年十四裹

之以席埋於室內帝使啓太后太后臨哭十餘聲即擁

入殿遺腹四男皆幽死冬十月罷京畿府入領軍

以儼以京

畿兵弄兵

乙未周遣右武伯谷會琨等聘于齊

五代志周

置左右武伯掌內外衛之禁令兼六率之士左右小武伯各二人貳之谷會虜複姓

齊胡太后

出入不節與沙門統曇獻通諸僧至有戲呼曇獻為太

上皇者齊主聞太后不謹而未之信後朝太后

朝直見遙翻

二尼悅而召之乃男子也於是曇獻事亦發皆伏誅已

亥帝自晉陽奉太后還鄴至紫陌遇大風舍人魏僧伽

習風角

伽戊迦翻

奏言即時當有暴逆事帝詐云鄴中有變

彎弓纏稍馳入南城

稍所交翻弓末也北齊書胡后傳作纏稍鄴都有南北城

遣官

者鄧長顥幽太后於北宮

幽母之事隱於心而未發而暴風已應於上天人之際可

畏哉顥魚容翻

仍敕內外諸親皆不得與胡太后相見太后或

為帝設食

偽為于翻

帝亦不敢嘗

庚戌齊遣侍中赫連子

悅聘于周

十一月丁巳周主如散關

散悉宣翻

丙寅齊

以徐州行臺廣寧王孝珩

珩音行

錄尚書事庚午又以為

司徒癸酉以斛律光為左丞相

十二月己丑周主還

長安

壬辰邵陵公章昭達卒

是歲梁華皎將如周

華戶化翻

過襄陽說衛公直曰梁主既失江南諸郡

吳明徹章昭達

再攻梁江南諸郡皆為陳所取說式芮翻

民少國貧朝廷興亡繼絕理宜資

贍望借數州以資梁國直然之遣使言狀周主詔以基

平都三州與之

五代志竟陵郡豐鄉縣西魏置基州及章山郡又竟陵郡樂鄉縣舊置武寧郡

西魏置都州又南郡紫陵縣其城南面梁置都州今周以與梁者蓋武寧之都州也當陽縣後周置平州少詩治翻膽昌艷翻使

疏吏翻都音若

資治通鑑卷一百七十

欽定四庫全書薈要卷七千一百五十七

史部

資治通鑑卷一百七十一 宋 司馬光 撰

胡三省 音註

陳紀五

起玄默執徐盡閏逢敦牂凡三年

高宗宣皇帝上之下

太建四年春正月丙午以尚書僕射徐陵為左僕射

尚書

置二僕射分為左右若省一僕射則止稱僕射

中書監王勣為右僕射

勣莫敗翻

己巳齊主祀南郊

五代志後齊制圓丘方澤並三年一祭謂之禘祀其南北郊則歲一祀皆

以正月上辛今書已已以致齋之日為始也南郊為壇
於國南廣輪三十六尺高九尺四面各一陛為三壇內
壝去壇二十五步中壝外壝相去如內壝四面各通一
門又為大營於外壝之外廣輪二百七十步營壘廣一
丈深八尺四面各一門又為燎壇於中壝之外丙地廣
輪二十七尺高一尺八寸四面各一陛祀所感帝靈威
仰於壇以高祖神武皇帝配禮用四圭有邸
幣各如方色其上帝及配帝各用騂特牲一

庚午上

享太廟 辛未齊主贈琅邪王儼為楚恭哀帝以慰太

后心

儼死見上
卷上年

又以儼妃李氏為楚帝后 二月癸酉

周遣大將軍昌城公深聘於突厥

厥九
勿翻

司賓李除小賓

部賀遂禮聘於齊

後周做成周之制以建官司賓蓋周
官大行人之職小賓部其小行人之

職歟杜佑曰後周秋官之屬有小賓部下大夫上士深護之子也 已卯齊以衛

菩薩為太尉

菩薄胡翻薩桑割翻北史並同不知菩薩何人亦不言何官

辛

己以并省吏部尚書高元海為尚書左僕射

自元魏置諸道行臺

各置令僕尚書等官齊神武破爾朱兆得晉陽建大丞相府而居之文宣受禪遂置尚書省

乙酉

封皇子叔卿為建安王 庚寅齊以尚書左僕射唐邕

為尚書令侍中祖珽為左僕射

珽它

初胡太后既幽於

北宮

事見上卷上年

珽欲以陸令萱為太后為令萱言魏保太

后故事

保太后事見百二十卷宋帝元嘉二年為令之為于偽翻

且謂人曰陸雖婦

人然實雄傑自女媧以來未之有也

司馬貞曰女媧亦風姓有神聖之德

代宓義立號曰女希氏蓋宓義之後已經數世金木輪環周而復始也孫愐曰女媧古女后也媧古華翻令

萱亦謂珽為國師國寶由是得僕射

三月癸卯朔日

有食之初周太祖為魏相立左右十二軍摠屬相府

太祖殂皆受晉公護處分

立十二軍事見百六十二卷梁簡文帝大寶元年敬帝太

平元年周太祖殂十二軍受護處分始是年也世祖天嘉元年護歸政於周世宗實武成元年護猶摠軍旅次年護弒世宗立高祖改元保定政悉歸護事具百六十六卷至百六十八卷相息亮翻處昌呂翻分扶問翻

凡所徵發非護書不行護第屯兵侍衛盛於宮闕諸子

僚屬皆貪殘恣橫

橫戶孟翻

士民患之周主深自晦匿無所

闕預人不測其淺深護問稍伯大夫庾季才曰比日天

道何如

後周稍伯蓋周官稍人之職周官稍人主為縣師令都鄙丘甸之政距王城三百里曰稍杜佑

曰後周地官之屬有每方稍伯中大夫又每遂有小稍伯稍大夫皆下大夫又有小稍伯稍正上士中士庾季

才明於天文故護問之

季才對曰荷恩深厚敢不盡言

頃上台有變

荷下可反隋志曰三台六星兩兩而居起文昌列招搖三公之位也西近文昌二星

謂之公宜歸政天子請老私門此則享期頤之壽

曲禮百年

曰期頤鄭玄曰期猶要也頤養也

受旦奭之美

周公旦召公奭

子孫常為藩屏

屏必

不然非復所知

復扶

護沈吟久之曰吾本志如此

但辭未獲免耳

沈持林翻沈吟者深味其言

公既為王

官可依朝例

朝直遙

無煩別參寡人也自是踈之衛公

直帝之母弟也深昵於護及沌口之敗

沌口敗事見上

二年昵尼質

坐免官由是怨護勸帝誅之冀得其位帝

乃密與直及右官伯中大夫宇文神舉內史下大夫太

原王軌右侍上士宇文孝伯謀之

周官官伯掌王宮宿衛次舍之職事內史

掌詔王爵祿廢置殺生予奪之法命諸侯孤卿大夫則策命之凡四方之事書內史讀之後周蓋髣髴其意以

置官至隋諱忠字以中書為內史其位任尤重左右侍
亦倣周官侍御以置官而勅其名五代志周置左右官
伯掌侍衛之禁各更直於內小官伯貳之臨朝則在前
侍之首行則夾路車左右中侍掌御寢之禁左右侍陪
中侍之後左右前侍掌御寢南門之左右左右後侍掌
寢北門之左右杜佑曰周制官伯中大夫屬天官內史
屬春官有中大夫下大夫神舉顯和之子孝伯安化公深之子也

公書爵以別護子深

安化郡唐之慶州 帝每於禁中見護常行家人禮

兄以

弟太后賜護坐帝立侍於旁丙辰護自同州還長安帝

御文安殿見之因引護入含仁殿謁太后且謂之曰太

后春秋高頗好飲酒

好呼到反

雖屢諫未蒙垂納兄今入朝

願更啓請因出懷中酒誥授之

周成王作酒誥戒母彞酒母敢崇飲

曰以

此諫太后護既入如帝所戒讀酒誥未畢帝以玉珽自

後擊之

記天子搢珽鄭玄曰珽亦笏也珽之言珽然無所屈也或謂之大圭長三尺杼上終葵首終葵

首者於杼上又廣其首如推頭隋志今制珽長尺二寸方而不折以球玉為之珽他頂翻護踣於地

踣蒲北翻

帝令宦者何泉以御刀斫之泉惶懼斫不能傷衛

公直匿於戶內躍出斬之時神舉等皆在外更無知者

史言周主勇決

帝召宮伯長孫覽等告以護已誅

長知兩翻

令收護

子柱國譚公會大將軍莒公至

譚莒古國名

崇業公靜正平

公乾嘉

崇業正平皆郡公按隋書帝紀隨州有崇業郡而志不載五代志絳郡正平縣舊置正平郡

及其弟乾基乾光乾蔚乾祖乾威

蔚紆勿翻

并柱國北地侯

龍恩龍恩弟大將軍萬壽

侯姓也

大將軍劉勇中外府司

錄尹公正袁傑

護都督中外故置中外府其屬有長史司馬司錄

膳部下大夫

李安等於殿中殺之覽稚之孫也

長孫稚著功名於正光永安之間

初

護既殺趙貴等

護殺貴等事見百六十卷高祖永定元年

侯龍恩為護所

親其從弟開府儀同三司植謂龍恩曰

從才用翻

主上春秋

既富安危繫於數公若多所誅戮以自立威權豈唯社

稷有累卵之危恐吾宗亦緣此而敗兄安得知而不言

龍恩不能從植又承間言於護曰

間古覓翻

公以骨肉之親

當社稷之寄願推誠王室擬迹伊周則率土幸甚護曰

我誓以身報國卿豈謂吾有它志邪

邪音耶

又聞其先與

龍恩言陰忌之植以憂卒

卒子恤翻

及護敗龍恩兄弟皆歿

高祖以植為忠特免其子孫大司馬兼小冢宰雍州牧

齊公憲素為護所親任

雍於用翻

賞罰之際皆得參預權執

頗盛護欲有所陳多令憲聞奏其間或有可不

不讀曰否

憲

慮主相嫌隙

相息亮翻

每曲而暢之帝亦察其心及護歿召

憲入憲免冠拜謝帝慰勉之使詣護第收兵符及諸文

籍衛公直素忌憲固請誅之帝不許護世子訓為蒲州

刺史是夜帝遣柱國越公盛乘傳徵訓至同州賜歿自蒲

州西南至同州一百三十里同州西南至長安二百二十五里傳張戀翻昌城公深使突厥

未還

使疏吏翻

遣開府儀同三司宇文德齋璽書就殺之護

長史代郡叱羅協

叱羅虜複姓魏收官氏志拓跋內入諸姓有叱羅氏協時在同州璽斯氏

翻司錄弘農馮遷及所親任者皆除名丁巳大赦改元

改元建德

以宇文孝伯為車騎大將軍

騎寄翻

與王軌並加開

府儀同三司初孝伯與帝同日生太祖愛之養於第中

幼與帝同學及即位欲引致左右託言欲與孝伯講習

舊經故護弗之疑也以為右侍上士出入臥內預聞機

務孝伯為人沈正忠諒

沈持林翻

朝政得失外間細事無不

使帝聞之

朝直遙翻

帝閱護書記有假託符命妄造異謀者

皆坐誅唯得庾季才書兩紙盛言緯候災祥

緯謂七緯日月五星

之行失行則為災候謂月令七十二候失節則為災緯于貴翻

宜返政歸權帝賜季才

粟三百石帛二百段遷太中大夫癸亥以尉遲迴為太

師

尉紆
勿翻

柱國竇熾為太傅李穆為太保齊公憲為大冢

宰衛公直為大司徒陸通為大司馬柱國辛威為大司

寇趙公招為大司空

後周之制三公
九命六官七命

時帝始親覽朝政

頗事威刑雖骨肉無所寬借齊公憲雖遷冢宰實奪之

權又謂憲侍讀裴文舉曰晉魏末不綱

後周諸王有侍
讀之官不綱言

人君不能操持大
綱致衆目紊亂

太祖輔政及周室受命晉公復執大

權積習生常愚者謂法應如是豈有年三十天子而可

為人所制乎詩云夙夜匪懈以事一人

詩大雅烝民之
詩懈古隘翻

一人謂天子耳卿雖陪侍齊公不得遽同為臣欲歿於

所事宜輔以正道勸以義方輯睦我君臣協和我兄弟

勿令自致嫌疑文舉咸以白憲憲指心撫几曰吾之夙

心公寧不知但當盡忠竭節耳知復何言

復扶
又翻

衛公直

性浮詭貪狠

狠戶
懇翻

意望大冢宰既不得殊怏怏更請為

大司馬欲據兵權帝揣知其意曰汝兄弟長幼有序豈

可返居下列由是用為大司徒

為後三年衛公直作亂
張本怏於兩翻揣初委

兩翻
翻長知

夏四月周遣工部成公建小禮部辛彥之聘

於齊

杜佑通典周制工部中大夫五命小禮部上士也三命部屬春官中大夫五命小禮部上士也三命

庚

寅周追尊略陽公為孝閔皇帝

廢略陽公事見百六十七卷高祖永定元年

癸巳周立皇子魯公贇為太子

贇於倫翻

大赦五月癸

卯王勣卒

勣音邁卒子恤翻

齊尚書右僕射祖珽執傾朝野

左丞相咸陽王斛律光惡之

珽他鼎翻朝直遙翻惡烏路翻

遙見輒罵

曰多事乞索小人

乞索求取也小人求取無厭致國家多事索山客翻

欲行何計

又嘗謂諸將曰兵馬處分趙令恒與吾輩參論

趙令謂趙彥深

為尚書令以其官稱之也處昌呂

盲人掌機密以來

祖

翻分扶問翻將即亮翻恒戶登翻

病盲故詆之盲事始上全不與吾輩語正恐誤國家事

卷臨海王光大元年

耳光嘗在朝堂垂簾坐

朝直遙翻下同

珽不知乘馬過其前光

怒曰小人乃敢爾

爾猶言如此也

後珽在內省

齊蓋以門下省為內省

言

聲高慢光適過聞之又怒珽覺之私賂光從奴問之

從才

用翻奴曰自公用事相王每夜抱膝歎曰盲人入國必破

矣

相息亮翻

穆提婆求娶光庶女不許齊主賜提婆晉陽田

光言於朝曰此田神武帝以來常種禾飼馬數千匹以

擬寇敵

餉祥吏翻

今賜提婆母乃闕軍務也由是祖穆皆怨

之斛律后無寵珽因而間之

間古覓翻

光弟羨為都督幽州

刺史行臺尚書令亦善治兵

治直之翻

士馬精彊鄧侯嚴整

突厥畏之謂之南可汗

可從刊入聲汗音寒

光長子武都為開府

儀同三司梁究二州刺史

長知兩翻

光雖貴極人臣性節儉

不好聲色

好呼到翻

罕接賓客杜絕饋餉不貪權勢每朝廷

會議常獨後言言輒合理或有表疏令人執筆口占之

務從省實

語省而事實

行兵倣其父金之法營舍未定終不

入幕或竟日不坐身不脫介冑常為士卒先士卒有罪

唯大杖撻背

撻側瓜翻

未嘗妄殺衆皆爭為之死

偽為于翻

自結

髮從軍未嘗敗北深為鄰敵所憚周勲州刺史韋孝寬

高歡字文泰兵爭泰使韋孝寬守玉壁歡盡力攻之不克而歸遂死宇文氏於此立勲州以旌其功其地在隋

絳郡稷山縣

密為謠言曰百升飛上天明月照長安

上時又掌翻

曰高山不推自崩

推吐雷翻

榘木不扶自舉令謀人傳之於

鄴

謀達叶翻

鄴中小兒歌之於路琕因續之曰盲老公背受

大斧饒舌老母不得語

琕止鼎翻今人猶謂多口為饒舌

使其妻兄鄭

道蓋奏之帝以問珽珽與陸令萱皆曰實聞有之珽因解之曰百升者斛也盲老公謂臣也與國同憂饒舌老母似謂女侍中陸氏也且斛律累世大將明月聲震關西豐樂威行突厥

斛律光字明月美字豐樂將即亮翻樂音洛

女為皇后男

尚公主謠言甚可畏也帝以問韓長鸞長鸞以為不可事遂寢珽又見帝請問

間古覓翻又音如字

唯何洪珍在側帝曰

前得公啓即欲施行長鸞以為無此理珽未對洪珍進曰若本無意則可既有此意而不決行萬一泄露如何

帝曰洪珍言是也然猶未決會丞相府佐封士讓密啓

云光前西討還敕令散兵光引兵逼帝城將行不軌事

不果而止

還從宣翻又音如字令力丁翻事見上卷三年封士讓密啓亦珽等使之也

家藏

弩甲僮奴千數每遣使往豐樂武都所

使疏吏翻下同

陰謀往

來若不早圖恐事不可測帝遂信之謂何洪珍曰人心

亦大靈我前疑其欲反果然帝性怯恐即有變令洪珍

駝召祖珽告之欲召光恐其不從命珽請遣使賜以駿

馬語云

使疏吏翻語牛倨翻

明日將遊東山王可乘此同行光必

入謝因而執之帝如其言六月戊辰光入至涼風堂劉

桃枝自後撲之不仆

撲弼角翻

顧曰桃枝常為如此事

齊自文宣

以來每殺諸王大臣劉桃枝率攘臂為之故光云然

我不負國家桃枝與三力士

以弓弦貫其頸拉而殺之

胃古縣翻拉盧合翻

血流於地刻之迹

終不滅

刻初限翻削也

於是下詔稱其欲反并殺其子開府儀

同三司世雄儀同三司恒伽

齊制開府儀同三司從一品儀同三司第二品恒戶

登翻伽求加翻

祖珽使二千石郎邢祖信簿錄光家

齊制二千石郎掌畿

外得失等事

珽於都省問所得物

都省即尚書都省五代志後齊制錄令僕射總理六

尚書事謂之都省

祖信曰得弓十五宴射箭百刀七陽稍二

明非

私藏兵器稍色角翻

珽厲聲曰更得何物曰得棗杖二十束擬奴

僕與人鬪者不問曲直即杖之一百

棗木堅而密理可以為杖

珽大

慙乃下聲曰朝廷已加重刑郎中何宜為雪

為于偽翻

及出

人尤其抗直祖信慨然曰賢宰相尚歿我何惜餘生齊

主遣使就州斬斛律武都又遣中領軍賀拔伏恩乘驛

捕斛律羨仍以洛州行臺僕射中山獨孤永業代羨與

大將軍鮮于桃枝發定州騎卒續進

騎奇寄翻

伏恩等至幽

州門者白使人衷甲

使疏吏
翻下同

馬有汗宜閉城門美曰敕

使豈可疑拒

敕使謂使者奉敕而來
至唐時率以稱宦者

出見之伏恩執而

殺之初美常以盛滿為懼表解所職不許臨刑歎曰富

貴如此女為皇后公主滿家常使三百兵何得不敗及

其五子伏護世達世遷世辨世首皆死

首慈
由翻

周主聞光

死為之大赦

幸其死也
為于偽翻

祖珽與侍中高元海共執齊政

元海妻陸令萱之甥也元海數以令萱密語告珽

數所
角翻

珽求為領軍齊主許之元海密言於帝曰孝徵漢人

祖珽

字孝兩目又盲豈可為領軍因言珽與廣寧王孝珩交

結

孝珩文襄之子齊主所忌也珩戶庚翻

由是中止珽求見自辨

見賢通翻

且

言臣與元海素嫌必元海譖臣帝弱顏不能諱以實告

之

見人輒自羞而顏有忸怩者為弱顏今人猶有是言

珽因言元海與司農卿尹

子華等結為朋黨又以元海所泄密語告令宣令宣怒

出元海為鄭州刺史

地形志天平初置潁州治長社城武定七年改鄭州治潁陰城周滅

齊改鄭州曰許州於滎陽置鄭州

子華等皆被黜

被皮義翻

珽自是專主機

衡

尚書職掌機密任居銓衡

摠知騎兵外兵事

後齊制尚書郎有中兵外兵各分左右左

外兵掌河南及潼關已東諸州右外兵掌河北及潼關已西諸州丁帳及發召征兵等事騎奇寄翻內外

親戚皆得顯位帝常令中要人扶持出入中要人宦官之親要者

直至永巷每同御榻論決政事委任之重羣臣莫比

秋七月遣使如周使疏吏翻下同

八月庚午齊廢皇后斛律

氏為庶人斛律光既死則其女廢矣以任城王湣為右丞相湣戶皆翻又音

皆馮翊王潤為太尉蘭陵王長恭為大司馬廣寧王孝

珩為大將軍安德王延宗為大司徒齊使領軍封輔

相聘于周相息亮翻辛未周使司城中大夫杜杲來聘宋

武公名改司空為司城侯國之卿也後周做成周之遺制必不以諸侯之卿名官蓋髣髴周官掌固之職上

謂之曰若欲合從圖齊

從子容翻

宜以樊鄧見與對曰合從

圖齊豈弊邑之利必須城鎮宜待得之於齊先索漢南

索山容翻

使臣不敢聞命

使疏吏翻

初齊胡太后自愧失德

胡太

后失德久矣事發則見上卷上年

欲求悅於齊主乃飾其兄長仁之女

置宮中令帝見之帝果悅納為昭儀

元魏以來昭儀次於皇后位視大司

馬及斛律后廢陸令萱欲立穆夫人太后欲立胡昭儀

力不能遂乃卑辭厚禮以求令萱結為姊妹令萱亦以

胡昭儀寵幸方隆不得已與祖珽白帝立之戊子立皇

后胡氏 己丑齊以北平王仁堅為尚書令特進許季

良為左僕射彭城王寶德為右僕射 癸巳齊主如晉

陽 九月庚子朔日有食之 辛亥大赦 冬十月庚

午周詔江陵所虜充官口者悉免為民

梁元帝承聖三年江陵破士民

皆為魏所虜入關

辛未周遣小匠師楊勰等來聘

匠師大司空之屬也

杜佑通典周小匠師下大夫屬冬官四命又有上士三命總音協

周綏德公陸通卒

綏德縣公也西魏於綏州上縣置綏德縣卒子恤翻

乙酉上享太廟

五代志陳立七廟一

歲五祠春夏秋冬臘也每祭共以一
太牢始祖以三牲首餘惟骨體而已

齊陸令萱欲立

穆昭儀為皇后私謂齊主曰豈有男為皇太子而身為

婢妾者胡后有寵於帝不可離間

間古
覓翻

令萱乃使人行

厭蠱之術

厭一
玳翻

旬朔之間胡后精神恍惚

恍呼廣翻
惚音忽

言

笑無恒帝漸畏而惡之

恒戶登翻
惡烏路翻

令萱一旦忽以皇后

服御衣被昭儀

衣於既翻
被皮義翻

又別造寶帳爰及枕席器玩

莫非珍奇坐昭儀於帳中謂帝曰有一聖女出將大家

看之及見昭儀令萱乃曰如此人不作皇后遣何物人

作帝納其言甲午立穆氏為右皇后以胡氏為左皇后

十一月庚戌周主行如羗橋

羗橋在長安東以符姚諸羗而得名

集長

安以東諸軍都督以上頒賜有差乙卯還宮以趙公招

為大司馬壬申周主如斜谷

斜音邪又似嗟翻谷音欲又古祿翻

集長安

己酉都督已上頒賜有差丙戌還宮 庚寅周主遊道

會苑以上善殿壯麗焚之 十二月辛巳周主祀南郊

五代志周憲章姬周祭祀之式多依儀禮南郊為方壇於國南五里其崇一丈二尺其廣四丈其壇方百二十步內壇半之祭以正月上辛以始祖獻

侯莫那配所感帝靈威仰於其上也

齊胡后之立

非陸令萱意令萱一旦於太后前作色而言曰何物親

姪作如此語太后問其故令萱曰不可道固問之乃曰

語大家云

語大牛倨翻

太后行多非法不可以訓

行下孟翻

太后

大怒呼后出立剃其髮送還家

剃他計翻

辛丑廢胡后為庶

人然齊主猶思之每致物以通意自是令萱與其子侍

中穆提婆執傾內外賣官鬻獄聚斂無厭

斂力瞻翻厭一鹽翻

每

一賜與動傾府藏

藏祖浪翻

令萱則自太后以下皆受其指

麾提婆則唐邕之徒皆重足屏氣

重直龍翻屏必郢翻

殺生予奪

唯意所欲

乙巳周以柱國田弘為大司空

乙卯周

主享太廟

五代志後周思復古之道左宗廟而右社稷置太祖之廟并高祖已下二昭二穆凡五親

盡則遷其有德者謂之祧廟亦不毀

是歲突厥木杆可汗卒復捨其子

大邏便而立其弟是為佗鉢可汗佗鉢以攝圖為爾伏

可汗統其東面又以其弟褥但可汗之子為步離可汗

居西面

厥九勿翻梁世祖承聖二年突厥士門可汗卒捨其子攝圖立其弟俟斗稱為木杆可汗褥但

既佗鉢之弟蓋小可汗也杆古按翻可從刊入聲汗音寒卒子恤翻復扶又翻佗徒何翻

周人與之

和親歲給繒絮錦綵十萬段

繒慈陵翻

突厥在長安者衣錦

食肉常以千數

衣於既翻

齊人亦畏其為寇爭厚賂之佗鉢

益驕謂其下曰但使我在南兩兒常孝何憂於貧

在南兩兒

謂尔伏步離二人所部分西北皆南近中國

阿史那后無寵於周主

考異曰周書

曰后有姿貌善容止周帝甚敬焉案房玄齡唐高祖實錄云武帝納突厥女陋而無寵太穆皇后勸帝強撫慰

之今從之神武公竇毅尚襄陽公主

神武郡公拓跋魏置神武郡於尖山

生女

尚幼密言於帝曰今齊陳鼎峙

齊陳及周三國鼎峙

突厥方彊願

舅抑情慰撫以生民為念帝深納之

此女後適李淵是為唐高祖竇皇后

五年春正月癸酉以吏部尚書沈君理為右僕射 戊

寅齊以并省尚書令高阿那肱錄尚書事摠知外兵及
內省機密與侍中城陽王穆提婆領軍大將軍昌黎王
韓長鸞共處衡軸

處昌呂翻車輓曰衡持輪者曰軸車非二者不行故以為喻

號曰

三貴蠹國害民日月滋甚

滋益也

長鸞弟萬歲子寶行

寶信並開府儀同三司萬歲仍兼侍中寶行寶信皆尚

公主母羣臣旦參

參朝參也

帝常先引長鸞顧訪出後方引

奏事官若不視事內省有急奏事皆附長鸞奏聞軍國
要密無不經手尤疾士人朝夕宴私唯事諧訐常帶刀

走馬未嘗安行瞋目張拳

瞋昌真翻

有噉人之執朝士咨事

莫敢仰視動致呵叱每罵云漢狗大不可耐唯須殺之

呵虎何翻叱昌栗翻耐奴代翻

庚辰齊遣崔象來聘辛巳上幸南

郊甲午享太廟二月辛丑祀明堂乙巳齊立右皇后

穆氏為皇后穆后母名輕霄本穆氏之婢也面有黥字

北史輕霄本穆子倫婢轉入宋欽道家欽道之婦后既妬輕霄黥其面為宋字姦私而生此女莫知其姓

后既

以陸令萱為母穆提婆為外家號令萱曰太姬太姬者

齊皇后母號也視一品班在長公主上

長知兩翻

由是不復

問輕霄

復扶又翻

輕霄自療面欲求見后太姬使禁掌之竟

不得見齊主頗好文學

好呼到翻

丙午祖珽奏置文林館多

引文學之士以充之謂之待詔以中書侍郎博陵李德

林黃門侍郎琅邪顏之推同判館事又命共撰修文殿

御覽

齊大統中毀東宮起修文等殿撰士免翻

甲寅周太子贇巡省西土

省悉景翻

乙卯齊以北平王堅錄尚書事

按上年秋八月齊以北平王仁

堅錄尚書事此恐逸仁字

丁巳齊主如晉陽

壬戌周遣司會侯

莫陳凱等聘於齊

周官司會屬冢宰鄭玄曰會大計也司會主天下之大計計官之長若今

尚書後周司會屬天官
中大夫也會工外翻

庚辰齊主還鄴 三月己卯

周太子於岐州獲二白鹿以獻

因巡省而獲白鹿

周主詔曰在

德不在瑞 帝謀伐齊公卿各有異同唯鎮前將軍吳

明徹決策請行

梁武帝置八鎮將軍東西南北止施在外左右前後止施在內

帝謂公

卿曰朕意已決卿可共舉元帥

帥所類翻

衆議以中權將軍

淳于量位重共署推之

梁置四中將軍與八鎮將軍同擬官品第二然四中班四征之

上八鎮班四征之下故以量位為重

尚書左僕射徐陵獨曰吳明徹家在

淮左

吳明徹秦郡人

悉彼風俗將略人才當今亦無過者

將即亮翻

下同都官尚書河東裴忌曰臣同徐僕射陵應聲曰非但

明徹良將裴忌即良副也壬午分命衆軍以明徹都督

征討諸軍事忌監軍事

將即亮翻
監工銜翻

統衆十萬伐齊明徹

出秦郡都督黃法氈出歷陽

氈巨
俱翻

夏四月己亥周主

享太廟 癸卯前巴州刺史魯廣達與齊師戰于大峴

破之

梁置巴州於巴陵此大峴在合
肥之南歷陽之北峴戶典翻

戊申齊以蘭陵

王長恭為太保南陽王綽為大司馬安德王延宗為大

尉武興王普為司徒開府儀同三司宜陽王趙彥深為

司空 齊人於秦郡置秦州州前江浦通涂水

今真州開即其

地涂讀曰涂

齊人以大木為柵於水中辛亥吳明徹遣豫章

內史程文季將驍勇拔其柵克之

將即亮翻又音如字領也驍堅亮翻

文

季靈洗之子也

梁陳之間程靈洗以勇鳴

齊人議禦陳師開府儀同

三司王紘曰官軍比屢失利人情騷動

攷之史比年以來齊師未嘗失

利蓋爭宜陽汾北周齊更勝迭負周師雖退齊師亦疲也比毗至翻

若復出頓江淮恐北

狄西寇乘弊而來

復扶又翻北狄謂突厥西寇謂周

莫若薄賦省徭息

民養士使朝廷輯睦遐邇歸心天下皆當肅清豈直陳

氏而已不從遣軍救歷陽

考異曰陳書帝紀云齊遣兵十萬救歷陽黃法輿傳云

步騎五萬援歷陽蕭摩訶傳云尉破胡等帥衆十萬來援索源文宗之語恐無此數今不取

庚申黃

法輿擊破之又遣開府儀同三司尉破胡長孫洪略救

秦州

尉紆勿翻

趙彥深私問計於祕書監源文宗曰吳賊侏

張遂至于此

侏舊音張流翻蓋因書詩張為勾爾雅詩作倂遂有此音按類篇侏音張流切其義

華也書所謂倂張其義誕也以文理求之皆於此不近姑闕之以待知者

弟往為秦涇刺史

齊置秦州於秦郡涇州於石梁

悉江淮間情事今何術以禦之文宗曰

朝廷精兵必不肯多付諸將

將音即亮翻

數千已下適足為

吳人之餌尉破胡人品王之所知

彦深封宜陽王故稱之

敗績之

事匪朝伊夕國家待遇淮南失之同於蒿箭

唐高祖遣李密徇山

東廷臣多諫帝曰如以蒿箭射蒿中耳言不足惜也乃知此語之來久矣

如文宗計者不過

專委王琳招募淮南三四萬人風俗相通能得死力兼

令舊將將兵屯于淮北

將音即亮翻

且琳之於頊必不肯北

面事之明矣竊謂此計之上者若不推赤心於琳更遣

餘人掣肘

宓子賤為單父宰言於魯君請與二吏俱至邑使二吏書而掣其肘書不工輒怒之吏不

能堪歸以告魯君魯君曰是慮我掣其肘耳宓賤復成是以能為單父後之言掣肘者本此掣音昌列翻

速禍彌不可為

是役卒如文宗之言復音扶又翻

彥深歎曰弟此策誠

足制勝千里但口舌爭之十日已不見從時事至此安

可盡言因相顧流涕文宗名彪以字行子恭之子也

子源

恭以幹用稱於熙平永安之間

文宗子師為左外兵郎中攝祠部嘗白

高阿那肱龍見當雩阿那肱驚曰何處龍見其色如何

師曰龍星初見禮當雩祭非真龍也阿那肱怒曰漢兒

多事強知星宿遂不祭師出竊歎曰禮既廢矣齊能久

乎

見賢遍翻強其兩翻春秋左氏傳曰龍見而雩杜預注云龍見建巳之月蒼龍宿之體昏見東方萬物始

盛待雨而大故祭天遠為百穀祈甘雨鄭玄曰雩吁嗟求雨之祭孔穎達曰天之四方皆有七宿各成一形東方成龍形西方成虎形皆南首而北尾南方成鳥形北方成龜形皆西首而東尾五代志後齊以孟夏龍見而雩祭太微五精帝於夏郊之東為圓壇於其上祈穀實以顯祖文宣帝配通鑑言國之將亡其禮先亡諸源本

出於鮮卑秃髮高氏生長於鮮卑自命為鮮卑未嘗以為諱鮮卑遂自謂貴種率謂華人為漢兒率侮詬之諸源世仕魏朝貴顯習知典禮遂有雩祭之請冀以取重乃以取詬通鑑詳書之又一晚也因源文宗不敢盡言

併及其子竊歎之事

齊師選長大有膂力者為前隊又有蒼頭犀

角大力其鋒甚銳又有西域胡善射弦無虛發衆軍尤

憚之辛酉戰于呂梁

呂梁在彭城疑此即石梁

將戰吳明徹謂巴山

太守蕭摩訶曰若殪此胡

守音式又翻殪音一計翻

則彼軍奪氣君

才不減關羽矣摩訶曰願示其狀當為公取之

為音于偽翻

明徹乃召降人有識胡者使指示之自酌酒以飲摩訶

降音戶江翻飲音於禁翻

摩訶飲畢馳馬衝齊軍胡挺身出陳前十

餘步

陳讀曰陣

摩訶遙擲銃

銃音蘇典翻

鏡小鑿也

正中其額應手而仆

中音竹仲翻

齊軍大力十餘人出

戰摩訶又斬之於是齊軍大敗尉破胡走

考異曰北齊書破胡敗

在五月今從齊書

長孫洪略戰破胡之出師也齊人使侍中

王琳與之俱琳謂破胡曰吳兵甚銳宜以長策制之慎

勿輕闖破胡不從而敗琳單騎僅免

寄騎奇翻

還至彭城齊

人即使之赴壽陽召募以拒陳師復以盧潛為揚州道

行臺尚書

復扶又翻盧潛在壽陽與王琳不協事見一百六十八卷世祖天嘉二年

甲子南

譙太守徐攄克石梁城

攄謨于翻五代志石梁在江都郡永福縣齊置涇州於此

五

月己巳瓦梁城降

以五代志攷之瓦梁城當在江都郡六合縣界

癸酉陽平郡

降

以地形志攷之梁置淮州治淮陰城其屬有陽平郡治陽平城其地當在淮陰城西

甲戌徐攄

克廬江城

按地形志梁置廬江郡治潛縣潛縣今屬無為軍界徐攄之師蓋漸西向

歷陽窘

蹙乞降黃法氈緩之則又拒守法氈怒帥卒急攻

帥讀日率

丙子克之盡殺戍卒進軍合肥合肥望旗請降法氈禁

侵掠撫勞戍卒

勞力到翻

與之盟而縱之

丁丑周以柱國

侯莫陳瓊為大宗伯榮陽公司馬消難為大司寇

難乃旦翻

江陵總管陸騰為大司空瓊崇之弟也

侯莫陳崇八柱國之一也

己卯齊北高唐郡降

五代志同安郡宿松縣梁置高塘郡降戶江翻

辛巳詔南

豫州刺史黃法氈

氈巨俱翻

徙鎮歷陽

晉氏南渡豫部殲覆刺史祖約自譙城退

北壽春咸和間庾亮治蕪湖咸康間毛寶治郗城永和初趙盾鎮牛渚二年謝尚鎮蕪湖四年進壽春九年鎮

歷陽十一年進馬頭寧康初桓冲戊姑孰宋永初中分淮東為南豫州治歷陽淮西為豫州泰始中淮西陷沒

以揚州之淮南宣城為南豫州治宣城蕭齊治姑孰梁武佳兵治無定所侯景之亂江淮之地皆歸高齊陳治

宣城今復歷陽命徙鎮焉乙酉南齊昌太守黃詠克齊昌外城五代志

春郡蕲春縣舊曰蕲陽梁改蕲水後齊改曰齊昌置齊昌郡守式又翻丙戌廬陵內史任

忠軍于東關克其東西二城東關東西二城吳諸葛恪所築也任音士進克

蕲城五代志廬江郡襄安縣梁曰蕲蕲居衣翻又音其戊子又克譙郡城此地形志

合州之南譙郡城秦州城降自四月辛亥拔秦州水柵至是三十八日州城始降

也亦在蕲縣界癸巳瓜步胡墅二城降二城皆在六合縣界臨江降戶江翻帝以秦郡吳

明徹之鄉里詔具太牢令拜祠上冢

上時掌翻

文武羽儀甚

盛鄉人榮之

齊自和士開用事以來政體隳紊

和士開用

事始一百六十九卷世祖天嘉四年隳音揮紊扶問翻

及祖珽執政頗收舉才望

內外稱美珽復欲增損政務沙汰人物

汰音太

官號服章

並依故事又欲黜諸閹豎及羣小輩為致治之方

豎臣庾翻

童僕未冠者也又音樹治直之翻

陸令萱穆提婆議頗同異珽乃諷御

史中丞麗伯律令劾主書王子冲納賂

麗姓伯律名姓苑有麗姓後齊

制中書省有舍人主書各十人劾戶槩翻又戶得翻

知其事連提婆欲使贓罪相

及望因此并坐及令瑄猶恐齊主溺於近習

溺奴欲引

后黨為援乃請以胡后兄君瑜為侍中中領軍又徵君

瑜兄梁州刺史君璧

元魏置梁州於大梁城

欲以為御史中丞令

瑄聞而懷怒百方排毀出君瑜為金紫光祿大夫解中

領軍

出者自內省出就朝列金紫光祿大夫本晉之左右光祿大夫假金章紫綬後遂於左右光祿大夫

之下又置金紫光祿大夫而光祿大夫假銀印青綬者為銀青光祿大夫後齊制金紫光祿大夫從二品中領

軍第三品君瑜既解中領軍有品秩而無職事

君璧還鎮梁州胡后之廢頗亦

由此釋王子冲不問瑒日以益疎諸宦者更共譖之帝

以問陸令萱令萱憫默不對

憫默憂而不
敢言之貌

三問乃下牀

拜曰老婢應死

言其罪
應死也

老婢始聞和士開言孝徵多才

博學意謂善人故舉之比來觀之

比毗
至翻

大是奸臣人實

難知老婢應死帝令韓長鸞檢案

檢察也搜也按也舉
也案考驗也亦舉也

長鸞素惡珽

惡烏
路翻

得其詐出勅受賜等十餘事帝以嘗

與之重誓故不殺解珽侍中僕射出為北徐州刺史

五代

志琅邪郡舊
置北徐州

珽求見帝長鸞不許遣人推出柏閣

見賢
遍翻

雷翻推吐珽坐不肯行長鸞令牽曳而出癸巳齊以領軍穆

提婆為尚書左僕射侍中中書監段孝言為右僕射孝

言韶之弟也

段韶歷事高氏五世著忠孝戰功為多

初祖珽執政引孝言

為助除吏部尚書孝言凡所進擢非賄則舊求仕者或於廣會膝行跪伏公自陳請孝言顏色揚揚以為已任隨事酬許將作丞崔成忽於衆中抗言曰尚書天下尚書豈獨段家尚書也孝言無辭以應唯厲色遣下而已既而與韓長鸞共構祖珽逐而代之齊蘭陵武王長恭貌美而勇以邛山之捷威名大盛

考異曰北齊書長恭與周戰於邛

山後主謂曰入陳太深失利悔無所及對曰家事親切不覺遂然帝嫌其稱家事遂忌之案邛山之戰在河清三年後主時年九歲尚未即位何得有此問且稱家事亦何足致忌今不取

武士歌之為蘭

陵王入陳曲

杜佑曰北齊蘭陵王長恭才武而貌美常著假面以對敵嘗擊周師金墉城下勇冠

三軍齊人壯之作此舞以效其指麾擊刺之容謂之蘭陵王入陳曲

齊主忌之及代段韶

督諸軍攻定陽頗務聚斂

邛山之捷見一百六十九卷世祖天嘉五年攻定陽見上

卷大建三年陳讀曰陣斂力贍翻

其所親尉相願

尉紆勿翻

問之曰王受朝

寄何得如此

朝直遙翻

長恭未應相願曰豈非以邛山之捷

欲自穢乎長恭曰然相願曰朝廷若忌王即當用此為

罪無乃避禍而更速之乎長恭涕泣前膝問計

俯身而問膝前

於席故曰前膝

相願曰王前既有功今復告捷

復扶又翻

威聲太重

宜屬疾在家

屬之欲翻

勿預時事長恭然其言未能退及江

淮用兵恐復為將

復扶又翻將息亮翻

歎曰我去年面腫今何不

發自是有疾不療齊主遣使酖殺之

療力弔翻使疏吏翻

六月

郢州刺史李綜克瀟口城

水經注江水逕魯山南左得湖口水又東合瀟口水水上

承沔水於安陸縣而東逕瀟陽縣北東南注于江瀟書涉翻

乙巳任忠克合州外城

按地形志及五代志皆云合州治合肥合肥前已降黃法觀今任忠又克合州外城何也當攷

庚戌淮

陽沭陽郡皆弃城走

五代志梁置淮陽郡於下邳郡之淮陽縣又置潼陽郡於東海郡之

沭陽縣東魏改曰沭陽郡沐食聿翻

壬子周皇孫衍生

齊主遊南苑

從官賜死者六十人

史言齊主淫刑以逞從才用翻

以高阿那肱為司

徒 癸丑程文季攻齊涇州拔之

按齊涇州治石梁是年四月徐授已克石

梁城乙卯宣毅司馬湛陀克新蔡城

梁置鎮兵翊師宣惠宣毅四將軍代舊四

中郎將蓋皆有長史司馬湛姓陀名後漢有大司農湛重五代志廬江郡淠水縣弋陽郡定城縣殷城縣皆有梁所置新蔡郡又固始縣有後齊所置新蔡郡未知孰是湛徒減翻陀徒何翻

丙辰齊使開

府儀同三司王紘聘于周 癸亥黃法範克合州

以此觀之

則前請降者合肥
戊卒也輒巨俱翻

吳明徹進攻仁州

地形志梁置仁州治赤坎城蓋在山

陽縣

甲子克之

治明堂

五代志陳制明堂殿屋十二間中央六間安六座四方帝

各依其方黃帝居坤維治直之翻

秋七月戊辰齊遣尚書左丞陸騫

將兵二萬救齊昌出自巴蘄

出自巴水蘄水之間也將即亮翻蘄音機又音祁

遇西陽太守汝南周吳

西陽郡在黃岡縣界吳枯迴翻又古惠翻

吳留羸弱

設疑兵以當之身帥精銳由間道邀其後大破之

羸倫為翻

帥讀曰率間古覓翻

己巳征北大將軍吳明徹軍至峽口克其北

岼城南岸守者弃城走

峽口峽石口也夾岼築兩城以扼淮流吳明徹以功進律自從

二品升
第二品

周炅克巴州

後齊置巴州於黃岡

淮北絳城及穀陽士民

並殺其戍主以城降

絳城蓋虹縣城音同而字異耳五代志彭城郡穀陽縣後齊置穀陽

郡齊巴陵王王琳與揚州刺史王貴顯保壽陽外郭吳

明徹以琳初入衆心未固丙戌乘夜攻之城潰齊兵還

據相國城及金城

二城皆在壽陽城中相國城劉裕伐長安所築故名金城壽陽中城也自

晉以來率謂中城為金城

八月乙未山陽城降

五代志江都郡山陽縣舊置山陽郡

壬

寅盱眙城降

盱眙縣亦屬江都舊置盱眙郡盱眙音吁怡

壬子戎昭將軍徐

敬辯克海安城

陳制戎昭將軍品第八秩六百石海安城在海陵縣東今為海安鎮

青州

東海城降

東海郡梁置南北青州今朐山縣

戊午平固戾敬泰等克晉

州

平固縣沈約志屬南康郡吳立曰平陽晉武帝太康元年更名五代志同安郡梁置晉州因晉熙以為名

九月甲子陽平城降

五代志江都郡安宜縣梁置陽平郡

壬申高陽太守

沈善慶克馬頭城

五代志鍾離郡塗山縣古當塗也後齊置馬頭郡

甲戌齊安

城降

五代志永安郡黃岡縣後齊置齊安郡

丙子左衛將軍樊毅克廣陵

楚子城

此廣陵非江都之廣陵按魏太和中蠻帥田益宗納土於魏魏為立東豫州治廣陵城五代志

汝南郡新息縣魏置東豫州則此廣陵乃新息之廣陵也又梁武帝置楚州於汝南郡之城陽縣治楚城即楚

子城也水經淮水先過城陽縣而後過新息縣則知廣陵城與楚子城相近

壬午周太子

贊納妃楊氏妃大將軍隨公堅之女也

為楊堅由后父而篡周張本

太子好昵近小人

好呼到翻昵尼質翻近其靳翻

左官正字文孝伯言

於周主曰皇太子四海所屬

屬之欲翻

而德聲未聞臣忝官

官實當其責且春秋尚少

少詩照翻

志業未成請妙選正人

為其師友調護聖質猶望日就月將

就從也將行也從事於學將以行之

也鄭玄曰日就月將言當習之以積

如或不然悔無及矣帝斂容曰卿世

載鯁直

鯁古杏翻毛晃曰鯁魚骨又骨不下咽世謂塞諤者為骨鯁謂直言難受如骨之啡咽也

竭

誠所事觀卿此言有家風矣孝伯拜謝曰非言之難受

之難也帝曰正人豈復過卿

復扶又翻

於是以尉遲運為右

宮正運迴之弟子也

尉紆勿翻

帝嘗問萬年縣丞南陽樂運

曰卿言太子何如人對曰中人帝顧謂齊公憲曰百官

佞我皆稱太子聰明睿智唯運所言忠直耳因問運中

人之狀對曰如齊桓公是也管仲相之則霸豎貂輔之

則亂

相息亮翻

可與為善可與為惡帝曰我知之矣乃妙選

宮官以輔之仍擢運為京兆丞

由赤縣丞擢京郡丞

太子聞之意

甚不悅 癸未沈君理卒

卒子恤翻

壬辰晦前鄱陽內史

魯天念克黃城

地形志譙州下蔡郡有黃城縣按東魏置譙州於渦陽則黃城亦其屬縣也蓋

下蔡在淮北而黃城在壽陽西水經注柴水東逕黃城西故弋陽縣也城內二城西即黃城也柴水東北入于

淮謂之

甲午郭默城降

晉氏不競劉石強盛郭默轉徙而南築城以自保故有其名

淮口

己亥以特進領國子祭酒周弘正為尚書右僕射

齊國子祭酒張雕以經授齊主為侍讀帝甚重之雕與

寵胡何洪珍相結穆提婆韓長鸞等惡之

惡烏路翻

洪珍薦

雕為侍中加開府儀同三司奏度支事

度徒洛翻後齊六尚書度支其

一也統度支倉部左戶右戶金部庫部六曹凡度支事雕以奏聞

大為帝所委信常呼

博士雕自以出於微賤致位大臣欲立効以報恩論議

抑揚無所回避省官掖不急之費禁約左右驕縱之臣

數譏切寵要獻替帷幄

數所
角翻

帝亦深倚仗之雕遂以澄

清為已任意氣甚高貴倖皆側目尚書左丞封孝琰隆

之之弟子

封隆之高氏起
兵佐命之臣

與侍中崔季舒皆為祖珽所

厚孝琰嘗謂珽曰公是衣冠宰相異於餘人近習聞之

大以為恨會齊主將如晉陽季舒與張雕議以為壽陽

被圍

被皮
義翻

大軍出拒之信使往還

使疏
吏翻

須稟節度且道

路小人或相驚恐以為大駕向并州畏避南寇若不啓

諫恐人情駭動遂與從駕文官連名進諫

從才用翻

時貴臣

趙彥深唐邕段孝言等意有異同季舒與爭未決長鸞

遽言於帝曰諸漢官連名總署聲云諫幸并州其實未

必不反宜加誅勅辛丑齊主悉召已署名者集含章殿

斬季舒雕孝琰及散騎常侍劉逖黃門侍郎裴澤郭遵

於殿庭家屬皆徙北邊婦女配奚官幼男下蠶室

下戶嫁翻

没入貨產癸卯遂如晉陽 吳明徹攻壽陽堰肥水以

灌城

按水經注肥水過壽陽城而入淮然引流入城中交絡城中吳明徹堰之以灌城其勢順易

多病腫泄

泄私列翻

死者什六七齊行臺右僕射琅邪皮景

和等救壽陽

琅邪之下疑脫王字

以尉破胡新敗怯懦不敢前屯

於淮口

淮口蓋即潁口景和之師自潁上出至淮而屯因謂之淮口

敕使屢促之使疏

吏翻下同

然始度淮

然如此也如

衆數十萬去壽陽三十里

頓軍不進諸將皆懼

將即亮翻下同

曰堅城未拔大援在近將

若之何明徹曰兵貴神速而彼結營不進自挫其鋒吾

知其不敢戰明矣乙巳躬擐甲胄

擐音官

四面疾攻一鼓

拔之生擒王琳王貴顯盧潛及扶風王可朱渾道裕尚

書左丞李駒駮送建康

可朱渾虜三字姓駒徒刀翻駮同都翻

景和北遁

盡收其駝馬輜重

重直用翻

琳體貌閑雅喜怒不形於色彊

記明敏軍府佐吏千數皆能識其姓名

識職吏翻

刑罰不濫

輕財愛士得將卒心雖失地流寓在鄴齊人皆重其忠

義及被擒故麾下將卒多在明徹軍中見者皆歔歔不

能仰視爭為之請命

將即亮翻被皮義翻歔音虛歔音希又許既翻為于偽翻

及致

資給明徹恐其為變遣使追斬之於壽陽東二十里

使疏

吏翻哭者聲如雷有一叟以酒脯來祭哭盡哀收其血而

去田夫野老知與不知聞者莫不流涕齊穆提婆韓長

鸞聞壽陽陷握槊不輟曰本是彼物從其取去

南北兵爭壽陽

本屬江南故云然史言齊之君臣以樂惱憂

齊主聞之頗以為憂提婆等曰

假使國家盡失黃河以南猶可作一龜茲國

龜茲音丘慈唐人又

讀為屈佳

更可憐人生如寄唯當行樂

樂音洛

何用愁為左右

嬖臣因共贊和之

嬖卑義翻又匹計翻和戶臥翻

帝即大喜酣飲鼓舞

酣戶甘翻仍使於黎陽臨河築城戍

懼陳兵之來真欲畫河自保

丁未齊

遣兵萬人至潁口

潁水入淮之口

樊毅擊走之辛亥遣兵援蒼

陵又破之

地形志揚州淮南郡壽春縣故楚有蒼陵城水經注淮水東流與潁口會東南逕蒼陵北

又東北流逕壽春縣故城西

齊主以皮景和全軍而還賞之除尚書

令

還從宣翻又音如字

丙辰詔以壽陽復為豫州

復宋齊之舊也

以黃城

為司州以明徹為都督豫合等六州諸軍事車騎大將

軍豫州刺史遣謁者蕭淳風就壽陽冊命

騎奇寄翻陳依梁制謁者

僕射扶千石

於城南設壇士卒二十萬陳旗鼓戈甲明徹登

壇拜受成禮而退將卒榮之上置酒舉杯屬徐陵曰賞

卿知人

將即亮翻屬之欲翻

陵避席曰定策聖衷非臣力也以黃

法甄為征西大將軍合州刺史戊午湛陀克齊昌城十

一月甲戌淮陰城降

五代志江都郡山陽縣有淮陰郡甄巨俱翻降戶江翻

庚辰

威虜將軍劉桃枝克朐山城

陳制威虜將軍品第八秩六百石此劉桃枝自是陳

將非齊之劉桃枝五代志東海郡有朐山縣朐音劬

辛巳樊毅克濟陰城

五代志鍾離郡

化明縣故曰睢陵置濟陰郡濟子禮翻

己丑魯廣達攻濟南徐州克之

當

作齊書齊南徐以別京口之南徐以五代史攷之齊之南徐州本置於下邳郡宿豫縣詳又注於考異之下

以廣達為北徐州刺史鎮其地

考異曰陳書帝紀及廣達傳皆云北徐州案

北齊書祖珽傳珽保全北徐州城不陷蓋南人謂京口為南徐州故謂此為北徐州其實乃北齊之南徐州也

按此所謂齊南徐州乃舊琅邪郡宋泰始初琅邪沒魏莊帝永安二年置北徐州於琅邪時齊以祖珽為北

徐州鎮琅邪魏收地形志太和中立北徐州於宿豫蕭衍置北徐州於鍾離南北兵爭疆場之間一彼一此各

立州郡當隨其所立州名書之恐不齊北徐州民多起可以齊之北徐州為齊南徐州也

兵以應陳逼其州城按五代志齊置北徐州於琅邪祖珽命不閉城門

禁人不得出衢路爾雅四達謂之衢珽他鼎翻城中寂然反者不測

其故疑人走城空不設備珽忽令鼓譟震天反者皆驚

走既而復結陳向城復扶又翻珽令錄事參軍王君植

陳讀曰陣

將兵拒之自乘馬臨陳左右射

射食亦翻

反者先聞其言謂

其必不能出忽見之大驚穆提婆欲令城陷不遣援兵

珽且戰且守十餘日反者竟散走

詔懸王琳首於建康

市故吏梁驃騎倉曹參軍朱瑒

梁制將軍府有功曹倉曹中兵外兵騎兵長流

城局等參軍驃匹妙翻騎奇寄翻瑒雉杏翻又音暢

致書徐陵求其首曰竊以典

午將滅徐廣為晉家遺老

典司也午屬馬故謂司馬為典午徐廣事見一百十九卷

宋高祖永初元年

當塗已謝馬孚稱魏主忠臣

當塗高者魏也司馬孚事見七

十九卷晉世祖泰始元年

梁故建寧公琳當離亂之辰揔方伯之任

天厭梁德尚思匡繼徒蘊包胥之志

左傳吳破楚入郢申包胥赴秦請救

以秦師破吳而復楚終邁蓂弘之青

周靈王即位諸侯不朝蓂弘乃明鬼神事設射諸侯之不

來者欲依怪物以致諸侯諸侯不從而周室愈微後二世至敬王晉人殺蓂弘

至使身沒九泉

頭行千里伏惟聖恩博厚明詔爰發救王經之哭

按魏元帝

景元元年司馬昭弑高貴鄉公併收王經其吏向雄抱經哭於東市昭赦雄

許田橫之葬

漢高

帝葬田橫事見十一卷五年

不使壽春城下唯傳報葛之人

魏高貴卿公甘

露三年司馬昭破壽春諸葛誕麾下不降而死事見七十七卷

滄洲島上獨有悲田之

客

即田橫事

陵為之啓上

為于偽翻

十二月壬辰朔并熊曇朗等

首皆還其親屬

熊曇朗誄見一百六十八卷世祖天嘉元年

瑒瘞琳於八公

山側義故會葬者數千人瑒間道奔齊

義故故舊以義結者瘞於計翻

間古別議迎葬尋有壽陽人茅智勝等五人密送其柩

於鄴柩音舊齊贈琳開府儀同三司錄尚書事謚曰忠武

王給輜輶車以葬之

自秦漢以來天子葬用輜輶車輜音溫輶音涼

癸巳周

主集羣臣及沙門道士帝自升高坐辯三教先後

坐祖臥翻

以儒為先道為次釋為後乙未譙城降

五代志譙郡山桑縣梁置

潯州東魏改曰譙州降戶江翻

乙巳立皇子叔明為宜都王叔獻為

河東王 壬午任忠克霍州

五代志廬江都霍山縣梁置霍州任音壬

詔徵安

州刺史周炅入朝

按五代志西魏置安州於安陸梁陳無安州隋書周法尚傳周炅為定州刺史

或者安字其定字之誤歟朝直遙翻

初梁定州刺史田龍升以城降

定州梁置治蒙

龍城水經注舉水出龜頭山西北流逕蒙龍城南梁定州治五代志永安都麻城縣陳置定州

詔仍舊任

及炅入朝龍升以江北六州七鎮叛入于齊齊遣歷陽王

景安將兵應之詔以炅為江北道大都督總衆軍以討龍

升斬之景安還走盡復江北之地是歲突厥求昏於齊

六年春正月壬戌朔周齊公憲等七人進爵為王

己巳周主享太廟乙亥耕藉田

藉秦昔翻

壬子上享太

廟

甲申廣陵金城降

去年九月樊穀克廣陵楚子城其金城至是始降降戶江

翻

二月壬午朔日有食之

乙未齊主還鄴

去年十月

如晉陽至是始還

丁酉周紀國公賢等六人進爵為王

辛亥上耕藉田

梁初依宋齊以正月用事天監十二年武帝以為啓蟄而耕書云以殷仲

春藉田理在建卯於是改用二月陳因而不改藉而亦翻

齊朔州行臺南安王

思好本高氏養子驍勇得邊鎮人心

驍堅亮翻

齊主使嬖

臣斫骨光弁至州

斫骨虜複姓嬖卑義翻又博計翻

光弁不禮於思好

思好怒遂反云欲入除君側之惡進軍至陽曲

五代志太原郡

汾陽縣舊曰陽曲

自號大丞相武衛將軍趙海在晉陽倉猝不

暇奏矯詔發兵拒之帝聞變使尚書令唐邕等馳之晉

陽

之往也

辛丑帝勒兵繼進未至思好軍敗投水死其麾

下二千人劉桃枝圍之且殺且招終不降以至於盡先

是有人告思好謀反

降戶江翻先悉薦翻

韓長鸞女適思好子奏

言是人誣告貴臣不殺無以息後乃斬之思好既誅告

者弟伏闕下求贈官長鸞不為通

通鑑言齊嬖倖壅蔽之禍為于偽翻

丁

未齊王還鄴甲寅以唐邕為錄尚書事 乙卯周主如

雲陽宮 丙辰周大赦 庚申周叱奴太后有疾

叱奴虜復

姓三月辛酉周主還長安癸酉太后殂帝居倚廬

陸德明曰

廬倚東牆而為之故曰倚廬 考異曰隋書張衡傳云

武帝居憂與左右出獵衡露髮與觀切諫案帝居喪有

禮疑衡自朝夕進一溢米 鄭玄曰二十兩為溢於粟米

叙之妄 之法一溢為米一升二十四

分升之一 羣臣表請累旬乃止命太子摠釐庶政

釐治也

衛王直諧齊王憲於帝曰憲飲酒食肉無異平日帝曰

吾與齊王異生 異生謂俱非正嫡特以吾故同袒括髮

異母也

袒者肉袒括者結也
杜預曰以麻約髮

汝當愧之何論得失汝親太后之

子特承慈愛但當自勉無論它人
夏四月乙卯齊遣

侍中薛孤康買帛於周

薛孤康復姓

且會葬初齊世祖為胡

后造珠裙袴

為于偽翻下同

所費不可勝計

勝音升

為火所焚至

是齊主復為穆后營之

復扶又翻

使商胡齎錦綵三萬與帛

使偕往市珠

使疏吏翻

周人不與齊主竟自造之及穆后愛

衰其侍婢馮小憐大幸拜為淑妃與齊主坐則同席出

則並馬誓同生死

五月庚申周葬文宣皇后於永固

陵周主跣行至陵所辛酉詔曰三年之喪達於天子但

軍國務重須自聽朝衰麻之節苦廬之禮率遵前典

喪服

小記斬衰括髮以麻寢苦居廬朝直遙翻衰七回翻苦息廬翻

以申罔極

詩父兮生我母兮鞠我欲

報之德昊天罔極

百僚宜依遺令既葬而除

除服也

公卿固請依

權制帝不許卒申三年之制

卒子恤翻

五服之內亦令依禮

五服者斬衰三年服齊衰期年服大功九月服小功五月服總麻三月服

庚午齊大赦

齊人恐陳師渡淮使皮景和屯西兗州以備之

西兗州治定陶

丙子周禁佛道二教經像悉毀

經謂二教之書像謂佛像天尊

罷沙

門道士並令還俗并禁諸淫祀非祀典所載者盡除之

六月壬辰周弘正卒

辛子恤翻

壬子周更鑄五行大布

錢一當十與布泉並行

行布泉見一百六十八卷世祖天嘉元年更工衡翻

戊

午周立通道觀以壹聖賢之教

觀古玩翻

秋七月庚申周

主如雲陽以右宮正尉遲運兼司武

左傳宋平公曰司武而桡于朝杜預

注司武司馬周建六官已有大司馬司武蓋其屬也尉紆勿翻

與薛公長孫覽輔太子

守長安

長知兩翻

初帝取衛王直第為東宮

建德元年立太子始建東宮

使直自擇所居直厯觀府署無如意者未取廢陟岵寺

欲居之

陟屺寺取望母為名直意欲以同母感動周主

齊王憲謂直曰弟子孫

多此無乃褊小

屺墟里翻褊補辨翻

直曰一身尚不自容何論子

孫直嘗從帝校獵而亂行帝對衆撻之直積怨憤因帝

在外遂作亂乙酉帥其黨襲肅章門

肅章宮門名唐長安太極宮太極殿

後兩儀殿前中為朱明門東則度化門西則肅章門蓋周遺制帥讀曰率

長孫覽懼奔詣帝

所尉遲運偶在門中直兵奄至手自闔門直黨與運爭

門斫傷運指僅而得閉直不得入縱火焚門運恐火盡

直黨得進取宮中材木及牀榻以益火膏油灌之火轉

熾久之直不得進乃退運帥留守兵因其退而擊之

帥讀

曰率下同

直大敗帥百餘騎奔荊州

欲就梁騎奇寄翻

戊子帝還長

安八月辛卯擒直廢為庶人囚於別宮尋殺之以尉遲

運為大將軍賜賚甚厚丙申周主復如雲陽

復扶又翻

癸丑

齊主如晉陽甲辰齊以高勣為尚書右僕射

勣音邁

九

月庚申周主如同州

冬十月丙申周遣御正弘農楊

尚希禮部盧愷來聘

武成元年增御正四人位上大夫保定四年又改禮部為司宗大司

禮為禮部杜佑曰周制禮部中大夫屬春官

愷柔之子也

盧柔仕魏為中書監

甲寅

周主如蒲州丙辰如同州十一月甲戌還長安 十二

月戊戌以吏部尚書王瑒為右僕射度支尚書孔奭為

吏部尚書瑒冲之子也

瑒雒杏翻又音暢度徒洛翻

時新復淮泗攻

戰降附功賞紛紜

攻戰叙其功降附叙其賞降戶江翻

奭識鑒精敏不受

請託事無凝滯人皆悅服湘州刺史始興王叔陵屢諷

有司求為三公奭曰袞章之職本以德舉

三公一命袞命服身之章

也未必皇枝因以白帝帝曰始興那忽望公且朕兒為

公須在鄱陽王後

言世祖之子當先為公

奭曰臣之所見亦如聖

旨 齊定州刺史南陽王綽喜為殘虐

此定州治中
山喜許既翻

嘗

出行見婦人抱兒奪以飼狗婦人號哭

飼祥吏翻
號戶高翻

綽怒

以兒血塗婦人縱狗使食之常云我學文宣伯之為人

齊主聞之鎖詣行在至而宥之問在州何事最樂

樂音
洛下

同

對曰多聚蠍於器置狙其中觀之極樂帝即命夜索

蠍一斗比曉得三二升置浴斛使人裸臥斛中號叫宛

轉帝與綽臨觀喜噓不已

蠍許竭翻蜚人蟲渡淮以北
即有之通俗文長尾曰蠍短

尾曰蠍索山客翻比必寐翻及也浴斛浴器也裸

因讓

綽曰如此樂事何不馳驛奏聞

樂音洛

由是有寵拜大將

軍朝夕同戲韓長鸞疾之是歲出為齊州刺史將發使人誣告其反奏云此犯國法不可赦帝不忍明誅使寵胡何猥薩與之手搏搯而殺之

薩桑割翻
搯於革翻

資治通鑑卷一百七十一



總校官庶吉士臣侍朝

校對官檢討臣龔大萬

謄錄監生臣朱懷玉